



Rapport "Level Playing Field:  
Comite ta recomenda  
cero impuesto pa sector  
di agricultura

Pagina 5

Diaranson 14 di Juni 2023 [www.bondia.com](http://www.bondia.com) Email: [noticia@bondia.com](mailto:noticia@bondia.com) Tel: 582-7800 Fax: 582-7044 1,75 Florin

## "Aruba ta considera un destinacion caro caba, y awor ta bay haci mas caro"



Pagina 3

- **Miembro di Cuerpo Policial R. Vos a cumpli 84 dia deteni**

Pagina 2

- **Kier duna espacio na ekipo local pa guia e reformanan di landspakket**

Pagina 4

- **CBS y KPA lo colabora pa asina por traha mas a base di informacion**

Pagina 6

## Dos acusado nobo den asesinato di Peter R. de Vries



Pagina 9



Cft: Maneho financiero di  
Silvania no ta  
suficiente y  
surplus a evapora

Pagina 8

Gruponan Neonazi ta sigui crece na Brazil



Pagina 10



## 14 di juni ta Dia Internacional di Dunado di Sanger

**Dialuna ultimo, Fabian Werleman, coordinador di Banco di Sanger Aruba, a tene un conferencia di prensa pa asina informa comunidad cu awe ta un dia special pa nan: e Dia Internacional di Dunado di Sanger of donante di Sanger.**

Werleman a señala cu esaki ta e dia cu nan ta reconoce tur e dunado di sanger na nivel mundial y specialmente esnan di Aruba. E ta un fiesta cu ta reconoci internacionalmente unda cu nan ta para un rato pa gradici na esnan cu tambe ta traha den e banco di sanger, uzadonan di banco di sanger cu tin na hospital y e dunadonan cu nan tin. For di basta tempo caba, Banco di Sanger ta solicitando mas boluntario pa por duna nan sanger. Pa esaki, for aña pasa te cu awor, Werleman a bisa cu e cantidad di donantenan a baha un poco, “pero esey tin di haber cu otro factornan, no cu nan kier stop

di duna sanger, pero si door di nan salud. P’esey nos ta bin cada aña back pa pidi pa hendenan cu ta desea pa bira donante, pa nan meld cerca nos, yama nos, of tambe por bay riba nos website cu ta [www.bloedbankaruba.aw](http://www.bloedbankaruba.aw) unda por haya un afspraak pa cuminsa e proceso pa bira un donante,” Werleman a bisa. Entre esnan cu tin problemanan di salud cu no por duna sanger, el a indica cu esey ta hendenan cu ta hayando diferente malesa como diabetes, unda e pashent ta depende di insulina y pashentnan cu cancer cu cada dia ta birando mas hopi. Den e plannan cu nan tin pa stimula hende pa bira un dunado di sanger, el a splica cu nan ta bay cuminsa bishita companianan pa pidi nan ayudo y laga e trahadonan cu ta desea pa bira dunado boluntario. E cantidad di donantenan pa cada pais ta representa entre 3% pa 5% di nan poblacion.



cion. Pa loke ta trata Aruba, tin mester di entre 3.000 pa 5.000 dunado di sanger. E unico manera cu nan por yena nan necesidad di falta di sanger ta por medio di pidi nan donantenan pa duna sanger mas frecuente y esey ta algo cu nan ta bin haciendo. Donacion di sanger ta consisti di tres producto: plaketa, plasma y globulo cora cu ta sali di e mesun donante; esaki por yuda tres pashent.

E procedura medico ta consisti cu e sanger ta pasa pa un prome fase di centrifuga. Eynan e sanger ta bira den un velocidad haltu y despues ta bay pa e dos fase na un ekipo cu ta separa e globulonan cu e awa y di otro banda e plasma cu e plaketanen. Pa e di tres fase e sanger ta haya un likido special pa finalmente duna como resultado un sanger filtra cu nan lo por usa pa un pashent.

Ta importante cu un persona lo por duna su sanger pa motibo cu semper ta existi un persona cerca di nos, sea ta famia of hende conoci, cu por tin mester di sanger den algun momento di su bida. E sanger ta ireemplasabel y no tin prijs. Simplemente e ta haci un cos importante: E ta yuda salba bida.

## Miembro di Cuerpo Policial R. Vos a cumpli 84 dia deteni

**Dia 22 di maart ultimo, Ministerio Publico a duna di conoce mediante un comunicado di prensa cu un miembro di polis, R. Vos, a keda deteni relaciona cu un investigacion penal y no tabata exclui mas detencion na e momentonan ey.**

Den esaki, R. Vos ainda ta deteni na KIA (Bewaring) y Ministerio Publico no ta duna mas detaye di kico e ta sospecha y loke a hiba na su detencion.

Na e momentonan aki e ta den voorlopige hechtenis (gevangenhouding) ainda. Ora e yega 86 dia cera, Ministerio Publico por pidi verlenging di otro di 30 dia mas segun e proceso di voorarrest di Codice Penal di Aruba ta indica y ta cuminsa di siguiente manera:

Ora e persona ta keda deteni y ta wordo hiba na Warda di Polis pa seis ora y presenta dilanti un sub-fiscal na unda e sospechoso su derechonan ta wordo lesa y e ta wordo puntra si kier un abogado. Akinan ta na unda e ta wordo interroga y asina por tuma su declaracion.

Despues di e 6 ora di interrogacion, e persona ta wordo informa sea cu si e lo bay cas of e ta keda deteni pendiente di investigacion (inverzekeringstelling).



Si e persona ta wordo informa cu e ta keda deteni, den dos dia cu e ta den inverze-

keringstelling e persona mester presenta dilanti un fiscal na unda e fiscal ta evalua e

detencion di e sospechoso y e declaracionnan di testigonan y sospechosonan. E proceso

ta continua riba evaluacion di e detencion y si tur cos ta bay legalmente, fiscal ta pidi un hues comisario si por tene e sospechoso te maximo 8 dia pa e bienestar di e investigacion.

Despues di 8 dia, e fiscal tin cu pidi formalmente un hues comisario pa prolonga e detencion. E basenan legal pa fiscal pidi hues comisario pa prolonga e detencion despues di dies dia ta:

1. Na unda e persona tin chens di huy.
2. E persona tin chens di influencia e testigonan y sospechosonan cu ta parti di e investigacion na unda e ta sospechoso di e caso.
3. Na unda e persona por comete of continua e mesun actonan penal cu e ta sospecha di dje.

Si su detencion ta wordo prolonga pa 8 dia mas, e persona ta bay bewaring (detencion preventivo) na KIA. Despues e fiscal por pidi 8 di mas pa prolonga e detencion preventivo y despues di esey e fiscal ta pidi detencion (gevangenhouding) cu ta maximo 60 dia.

Fiscal por pidi un prolongacion di gevangenhouding cu 30 dia mas y un di dos prolongacion cu ta 30 dia extra prome cu nan presenta e caso den corte.



*Herrick Henriquez director di ATIA*

## “Si for di comienso tur hende cu ta haci negoshi a paga nan BBO, por ta nos no tabata den situacion aki”

**Mirando cu dia 1 di juli ta e fecha den cual impuesto BBO na frontera ta bay drenta na vigor, Bon Dia Aruba a acerca Aruba Trade & Industry Association (ATIA) su director, Herrick Henriquez, pa asina ey amplia un poco mas tocante e topico aki.**



ATIA den su opinion ta kere cu e palabra primordial di e ley aki ta “Handelsgoederen”, unda si esaki awor keda den ley manera e ta, e ta bay limita hopi compania pa haya credito, pa motibo cu un handelsgoed “ta literalmente algo cu bo a importa pa re-bende. Si bo a cambia e producto un tiki of bo a haci algo pa e producto cu no ta mescos ora bo ta import’e, bo no ta haya e credito ora bo bende e producto. Esey ta nifica cu e prijs ta bay subi cu 7%,” el a sigura. Ademá, Henriquez ta recomenda pa cu e palabra Handelsgoederen, por cambia of sak’e for di e ley. E ora ey esaki lo kieren cu tur producto cu drenta Aruba ta bin na vigor pa credito cu por kita for di e BBO ora ta bende e producto. Si e BBO na frontera ta efectivamente un “tool” of un manera pa hisa e cash flow adelanta di Gobierno, “e ora ey di nos banda nos ta bisa pa kita e palabra Handelsgoederen y tur producto cu drenta

Aruba ta haya e credito, pa esey no bay afecta of perhudica algun sector compara cu otro.”

Segun el a splica, e sector di construccion y HORECA ta bisando cu nan no ta haya e credito.

Loke tambe ta pasa ta cu hopi compania ta importa nan mesun cosnan. En bes di bende tur cos, algun di nan ta importa pa na mesun uso, por ehemplo un wholesale cu ta importa su mesun rekinan pa por pone nan productonan riba dje. Esakinan ta productonan cu nan ta cumpra awor y e productonan aki ta bay ta 7% mas caro. En berdad, nan por schrijf af pero e costo di operacionnan ta bay subi pa motibo cu afschrijving tambe

ta subi y e bottom line ta menos.

Esakinan ta algun ehemplo chikito cu nan ta duna unda cu prijsnan ta bay subi. Esaki ta bay afecta e inflacion cu ta un formula na unda e poder di compra ta baha.

Tambe a bira conoci cu Departamento di Impuesto (DIMP) ta bay reforma e impuestonan di importacion, pero ATIA no tin conocimiento di ki dia esaki ta bay drenta na vigor: “tecnicamente, e mester drenta na vigor 1 di juli hunto cu e BBO na frontera, pero nos sa cu e ley aworaki ta na Raad van Advies y nos no sa ki dia nan ta bay duna nan advies riba dje. Si e dos leynan aki no ta bay simultaneamente,

bo ta bay haya e ora ey un efecto riba bo inflacion. Bo ta bay paga mas invoerrechten y riba dje e BBO na frontera ta bin. E speranza cu nos tin ta pa simultaneamente e dos ley aki drenta na vigor,” Henriquez a sigura.

Gobierno di Aruba mediante diferente comunicado y conferencianan di prensa tambe a splica cu esaki ta pa combati economia informal. Di esaki Henriquez a menciona cu BBO na frontera ta un “hybrid” di un BTW di cual nan ta pro un BTW ainda, pero bon hinca den otro manera IMF a sugeri na 2018, lo cual ta un porcentahe cu un base amplio y tiki excepcion den e sistema di BTW cu a propone tambe cual tabatin un BTW na frontera, loke ta haci cu e ta bay hisa e compliances “pasobra hopi di e hendenan cu ta bende manera riba Vraag and Aanbod na Facebook of cu ta bende cosnan y no paga BBO, awor nan mester bay registra nan productonan y compania pa por haya e credito. Si nan no haya e credito, automaticamente nan productonan ta bay ta mas caro compara cu e personanan cu si ta pagando un BBO awor, pasobra e BBO ta inclui na frontera caba. Esey ta un manera cu nos tambe ta di acuerdo: e por yuda cu compliances y hisa e compli-

ances pa tur hende paga na fairshare. Esey ta e meta cu nos tin cu tur hende ora ta haci negoshi tin cu paga nan BBO. Si tur hende tabata haci esey for di comienso caba por ta nos no tabata den situacion aki,” Henriquez a declara.

Biniendo riba e pregunta: Cuanto impuesto mas comercio por sigui carga? Henriquez a sigura cu “nos ta kere cu comercio no por wanta mas. Comercio cu un aumento ta nifica cu e ta afecta e prijs. Awor tin cu puntra e consumidor cuanto e por wanta. Comerciantenan ta bay hinca e impuesto den nan prijs. Di nos banda nos mes no kier pa prijsnan subi pasobra esey kieren cu e benta lo baha tambe y esey no ta e idea. P’esey nos ta suplica Departamento di Impuesto tambe pa cuminsa wak esey hopi bon, cu no por keda hisa prijs y tur hende ta bay paga pero ta bay cumpra menos. Kieren cu importacion ta bay baha y tambe na final di dia e placa cu ta drenta caha di gobierno tambe ta bay baha,” el a comenta.

Ademá el a finalisa cu Aruba ta hopi bendiciona cu despues di pandemia Covid-19 a recupera hopi lihe, pero nan tambe ta mirando cu awor e demanda e pa e producto di Aruba ta bahando caba e aña aki.

*Tisa LaSorte presidente y CEO di AHATA tocante BBO na frontera*

## “Aruba ta considera un destinacion caro caba, y awor ta bay hacie mas caro”

**Topico di impuesto di BBO na frontera tambe ta hayando reaccion di otro instancianan, como por ehemplo Aruba Hotel and Tourism Association (AHATA), den cual Tisa LaSorte, ken ta fungi como presidente y CEO, tambe a duna su comentario riba esaki.**

“E ley di BBO na frontera cu ta na Parlamento actualmente, ta causa cu Aruba ta bira mas caro pa local y pa turista. Restaurant y hotel ta especificamente exclui di por trek af cualkier BBO paga na frontera for di BBO cu ta colecta di cliente den restaurant. Esey kieren cu gasto operacional ta subi, cual ta causa

prijs mas halto pa cliente,” el a bisa.

Tambe La Sorte a señala cu esaki ta causa prijs mas halto pa actividadnan cu turista ta gosa di dje y te hasta pa pacusnan unda ta cumpra cos. Un pacus cu ta bende T-shirt, por ehempel, lo tin mas gasto, “pasobra, nan por trek af e BBO cu ta paga riba e T-shirt cu ta importa, pero no e reki cu ta importa pa pone den pacus, of e forklift cu mester cumpra pa warehouse. E BBO na frontera ta haci renobacion di hotel mas caro tambe. Riba e 22% di invoerrechten pa mueblenan, awor mester paga 7% di BBO ariba dje tambe. Esey por resulta den menos renobacion

cu ta resulta den un producto turistico menos atractivo.”

Den su opinion, La Sorte a indica cu “Aruba ta considera un destinacion caro caba, y awor ta bay hacie mas caro sin cu e balor of calidad di Aruba como destinacion ta subi.”

“Mientrastanto, ainda nos tin problema cu no por haya basta empleado pa duna servicio optimal. Y hopi turista di Merca a cuminsa scoge pa bay Europa en bes di Caribe. Kieren net ora demanda ta cuminsa baha, ta haci Aruba mas caro y no ta yuda cu incentiva pa Aruba su producto turistico keda competitivo den e mercado.” LaSorte a





*Minister Geoffrey Wever cu update encuanto implementacion NSS*

## Conseho di Minister a aproba compania local pa audit diseño di infraestructura di ICT

**Manera ta conoci Minister Geoffrey Wever ta implementando e proyecto 'Sistema Nacional di Estadística (Nationaal Statistisch Systeem (NSS)) por medio di Centraal Bureau Statistiek Aruba (CBS) y demas stakeholders. E meta principal NSS ta pa brinda estadisticanan oficial di calidad halto cu ta na beneficio di un pueblo.**

Un pueblo bon informa ta yuda profesionalnan den tur ramo eherce nan trabounan. Alabes un NSS ta un elemen-

to esencial den bon gobernacion unda por tuma decisionnan mas obhetivamente substancia.

Recientemente Minister Geoffrey Wever a firma acuerdo di trabou cu un compania di wetgeving Hulandes pa yuda Aruba den traha e ley pa cu e NSS. E trabou aki ta andando.

Banda di e ley amplio di e NSS, otro aspecto importante den e implementacion di NSS ta e plataforma digital di data. Tin diferente trabou



pa ser haci pa cu esaki. Un di e trabounan ta un audit di e diseño di e infraestructura di ICT. Conseho di minister a

aproba pa un compania estableci na Aruba haci e audit aki. Ta importante pa e ICT-infraestructura ta conforme e

necesidadnan di un NSS y cu ta cumpli cu rekisitonan di seguridad nacional y internacional pa cu data.

“E NSS ta un herment importante y moderno pa nos traha pa un mihor Aruba. Mi ta contento cu e progreso den implementacion di e NSS. E trabounan pa e ley di NSS ta andando y tambe trabounan pa e plataforma digital di data. Tur esakinan ta importante pa por garantisar datos di calidad y accesibel pa tur usuario di datos”. Minister Wever a comenta.

*Fundacion Respeta Mi & YMCA Aruba*

## Exitoso tayer ‘Mayornan di Futuro’ a educa publica pa kibra e ciclo di abuso

**Abuso di mucha ta un di e problemanan social di mas grandi cu ta prevaliendo den cada pais rond di mundo. E ta trece cune consecucionnan pa cu e desaroyo di e mucha riba diferente area. Pa e motibo ey, na aña 1991 a funda Fundacion Respeta Mi (FRM) pa por crea conscientisacion den comunidad di Aruba y contribui na prevencion di abuso di mucha.**

Stagiernan Michelmira Arends di FRM y Rosemary Bustillos di YMCA Aruba ta actualmente studiantenan di Social Work and Development cu a dicidi di haci un colaboracion pa trece dilanti un tayer titula ‘Mayornan di Futuro’ pa promove e mision di nan organisacion. Esaki cu e meta pa informa mayornan, profesionalnan y otro tocante e tiponan di abuso cu ta reconoci na Aruba y internacionalmente.

Tayer ‘Mayornan di Futuro’ E tayer di ‘Mayornan di Futuro’ a conta cu 3 sesion cu a tuma lugar riba 14, 21 y 28 di april, 2023 na e localidad di Universidad di Aruba y Fundacion Respeta Mi. E obhetivo di esaki tabata pa conscientisa y educa publico pa reconoce e señalnan y preveni esaki pa asina kibra e ciclo di abuso. A duna informacion tocante Abuso Emocional, Negligencia, Abuso no Reciente, Termento Inconsciente, Abuso Fisico, Violencia Relacional, Explotacion



Criminal, Grooming, Abuso Sexual y Explotacion Sexual. Durante e sesionnan, e participantenan a practica y para keto riba nan mesun manera di criansa. Mas di 20 persona a participa activamente y a obtene un certificado di participacion riba e anochi final.

E Continuacion Michelmira Arends y Rosemary Bustillos ta sumamente contento cu e acogida y e exito di e tayer ‘Mayornan di Futuro’. E plan ta pa continua cu e tayer aki cu un maximo di 3 biaha pa aña pa sigui brinda informacion na e



comunidad di Aruba pa por contribui na prevencion di abuso di mucha. E lo ta ideal pa personanan di diferente edad y districtonan di Aruba por haya e oportunidad pa participa na e tayer aki. Esaki

tambe ta conta pa mayornan hoben cu por participa pa asina fortalece e crianza di cada mucha. Ta spera cu por a informa y conta cu e apoyo di e comunidad di Aruba pa cu e continuacion di e tayer aki.



**Editor**

Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #13307728

**Operations Manager**

Mariette Engelhart

**Redaccion**

noticia@bondia.com

Pilar Flores (hefe di redaccion)

Angenette Figueroa (closer editor)

Leo Maduro

Andreina Morillo

Raisa Montilla

**Ehecutivo di Benta**

sulaika.croes@cspnv.com

Sulaika Croes

**Aviso y Arte**

Sandra Loefstop

Lisa Tromp

**Departamento Digital**

Juan Luis Pinto

**Administracion**

accounting@bondia.com

Martha Arteta de Ariza

**Distribucion**

Jenny Kelly

**Coleccion**

Evelinda de Cuba - Tromp

**Pre Press**

Luis Fernando Arenas (Hefe)

Pablo Libre

**Press**

Roland Schenker (Hefe)

Omar Ramirez

Martin Boekhoudt

Francis Dirksz

**Colaboracion**

Associated Press

Ret Karibense

Upload Media Aruba

**Afiliacion**

Sociedad Interamerica  
di Prensa (SIP)

**DIRECCION**

Adres: Weststraat #22

Tel: 582-7800

Email: noticia@bondia.com

aviso@bondia.com

info@bondia.com

Website: www.bondia.com

Facebook: @bondianoticia

Instagram: bondiaaruba

**BON DIA ARUBA** ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

*Rapport "Level Playing Field:*

**Comite ta recomenda cero impuesto pa sector di agricultura**

**Den nos edicion anterior di Bon Dia Aruba a introduci e rapport "Level Playing Field". Un rapport cu a ser comisiona pa 17 stakeholder y a ser realisa pa un comite di tres experto na unda a trece pa dilanti diferente recomendacion pa loke ta trata e reforma fiscal, e introduccion di BTW e tempo ey, cual a keda reemplasa pa BBO na frontera.**

Despues di e cambio di parti di Gobierno di Aruba pa no introduci BTW mas, pero mas bien a opta pa introduci BBO na frontera, Camara di Comercio Aruba a indica cu no tur recomendacion y conclusion presenta den e rapport ta conta cu aprobacion di tur stakeholder. Esaki, nan a sigui splica, ta pa motibo cu e rapport a ser elabora pa e introduccion di BTW y no di BBO na frontera, locual a trece cune cu algun di e recomendacionnan, segun Camara di Comercio, no ta cuadra mas.

E rapport a presenta 17 recomendacion y ta un esfuerso pa brinda alternativanan viabel pa diversifica y extende e fuente enan di ganashi di e sector publico, pa aumenta e parti di e sectornan cu ta contribui menos y crea un igualdad di condicionnan pa e participantenan den e economia di Aruba, tanto pa negoshi como pa e consumidor.

E rapport aki ta menciona tambe e reduccion di tarifanan unda esakinan por ta excesivo of creando distorsion no desea den economia y cu ta haci control di cumplimiento hopi dificil pa e sector publico. Tur esaki cu e meta di limita e impacto inminente riba e costo di bida pa e habitante- y bishitantenan.

E comite ta enfatisa cu e control y disminucion di gasto publico ta urgente y mester complementa e ultimo esfuerso di reforma pa yega na e metanan mencionada.

Gremio comercial y sindical ta spera cu aworaki Gobierno di Aruba ta trece pa dilanti un control di gasto concreto y irrevocabel, cambionan legal y di politica pa mitiga burocracia, mehora servicio y innovacion tecnico pa ofrece servicionan mas lihe, miho y economico na comunidad.

E comite encarga cu e rapport aki a spli ca cu durante e reunionnan cu gremio comercial y sindical, tres tema importante a ser treci pa dilanti. Uno, no tabatin un imagen completo di e reforma fiscal pa e caida di poder di compra; dos, cumplimiento por wordo mehora den diferente dominio aumentando asina e ganashi pa Gobierno di Aruba; y tres, e crueldad den mayoria di proceduranan pa pidi permiso cu Gobierno di Aruba.

**BBO cu un tarifa na frontera**

Como prome recomendacion comercio y gremio sindical ta indica cu e tarifa aki cu lo ser realisa na frontera riba importacionnan cu ta cualifica y cu ta deduci-

bel for di e BBO cobra pa e siguiente ciclo di e comprado for di e bendedo, pa e creacion di un sistema di impuesto indirecto mas compatibel y igualdad di condicion pa comercio y industria.

Despues di pandemia un parti grandi di poblacion a mantene un habito regular di compra online. Un parti importante di e companianan priva grandi den e economia local, manera supermercado y hotel, ta cumpra regularmente for di e distribuidor afo. Esaki ta un faya economico pa importador y distribuidor local manteniendo produccion den stock determina pa BBO.

Finalmente minorista- y mayoristanan y distribuidornan no tin un condicion di igualdad cu e comprasnan online y importacion directo pa compania- of individualnan.

BBO na frontera ta crea condicionnan mas igual y ganashi adicional di compra ta bay tin e mesun cumplimento cu minorista y mayorista di produccion den stock cu implementacion di BBO recauda na frontera y inmediatamente deducibel for di BBO cobra ariba recibonan di benta.

E comite a haya apoyo unanime pa e modelo aki di BBO cu solamente un nivel di deducion di BBO recauda pa Douane na frontera. Nan ta remarca cu lo ta mas simpel pa tur pa introduci un modelo di BBO completo, unda BBO paga pa proveedornan local por wordo deduci.

Consecuentemente e BBO cu mester wordo deduci ta wordo provee pa DIMP y/of e Departamento di Douanne den nan red na momento di haci presentacion online, mescos cu e BBO actual. E cantidad paga na frontera ta warda den e sistema ASYCUDA di Douane.

Impuesto di importacion di vehiculo, incentivo fiscal pa uso di autonan electrico di parti di empresanan Den e caso di vehiculonan, e tarifanan di 30%, 40% y 50% a pusha un porcion grandi di e poblacion pa cumpra autonan mas barata cu stuur na banda drechi (right hand drive). E impuesto super halto a obstaculisa e mercado local pa autonan di segunda mano, mientras cu e autonan nobo no por wordo paga mas pa un segmento grandi di entrada, hasta cu un prestamo di banco pa financia un parti di e auto.

Distribuidornan local a ser afecta grandemente y por supuesto e calidad di bida di e poblacion, door di e compra di autonan di segunda mano cu ta causa contaminacion halto cu problemanan mecanico cu eventualmente lo surgi, e gasto ta mas halto cu ora cu cumpra un auto nobo.

E comite ta compronde cu e Departamento di Douanne Aruba a evalua e reduccion di impuesto di importacion



riba auto pa 28%. Como segundo recomendacion, gremio comercial y sindical ta apoya e desaroyo aki y ta encurasha pa e wordo implementa pronto. Sugerencia pa otro modelnan ta 2% pa autonan completamente electrico y 5% pa autonan hybrid.

Nan ta enfatisa cu impuesto mas abao lo promove mas benta di autonan nobo di distribuidornan autorisa y finalmente hende lo por afford esakinan.

**Cero impuesto di importacion pa sector di agricultura**

Gremio Comercial y sindical ta di opinion cu e sector di agricultura ta enfrente riesgonan considerabel di cambio climatico, bestianan cu ta mata cosechanan completo y competencia fuerte di productornan di Merca y Europa (Colombia, Brazil Peru, Chile etc) cu tin acceso na e suministro local di alimento pa bestia, fertilisante, material etc.

Ningun impuesto di importacion ta wordo cobra ariba e suministro aki. Impuestonan recauda pa importacion di alimento pa bestia di minorista of mayorista, no ta condicionnan igual pa e productornan local chikito.

E carni of webonan manda pa Aruba no ta paga impuesto di importacion pa e alimento cumpra localmente y producto final aki ta wordo importa liber di impuesto pa Aruba.

E comite ta recomenda cu e sector di agricultura, considerando e riesgo y costo halto involvi y e beneficio di spaar importacion y generacion di empleo, e entrada mester ta liber di tarifa y BBO te ora cu e yega e supermercado pa bende na e consumidor of restaurant. Eynan e BBO ta ser paga na final di e cadena di comercialisacion y produccion y e ganashi fiscal ta ser genera, cu un condicion di igualdad pa tur den e estructura di costo.

Mas informacion di e rapport "Level Playing Field" y recomendacionnan den nos siguiente edicion.



*Trabounan di landspakket ta sigui den forma diligente y den bon cooperacion*

## Kier duna espacio na ekipo local pa guia e reformanan conforme e contexto di Aruba

Den e siman di 22 di mei te cu 2 di juni, TWO-Aruba conhuntamente cu TWO-Hulanda a traha riba e agenda di ehecucion pa e di tres kwartaal di 2023. Durante bishita di trabou di TWO-Hulanda a para keto na diferente tema, entre otro: enseñansa, crecimiento economico, reforma economico, mercado laboral y seguridad social.

Segun un comunicado di gobierno, e bishita aki tabata uno sumamente intenso caminda no solamente a traha riba e agenda di ehecucion, pero a sinta hunto cu diferente experto y lidernan di proyecto pa haya un mihor bista di kico ta e vision di Pais Aruba pa cu e diferente temanan aki.


Mester bisa cu e combersacionnan tocante e contenido



di e reformanan cu mester tuma lugha tabata basta intenso. Miembronan di TWO-Aruba a trece dilanti e vision di Pais Aruba y a splica cu tin elementonan esencial pa e vision aki. Di parti di Hulanda a intercambia experticio riba e temanan y asina a yega na conclusionnan comun. Por bisa cu e tema di 'ownership' ta keda un tema hopi valido pa pais caminda cu kier duna espacio na e ekipo local pa guia e reformanan conforme

e contexto di Aruba. Esaki a base di capacidad di ehecucion y necesidad di priorisa e reformanan. Pais Aruba y Hulanda lo sigui den combersacion cu otro riba e tema aki.

Pa locual ta e di tres agenda di ehecucion, actualmente e enfoka ta hopi mas riba formula resultado concreto. Un otro punto di atencion ta e efecto colectivo di e trayectonan di implementacion cual ta un



tema cu ta keda wordo trata riba nivel di organisacionnan.

TWO-Hulanda a indica cu pa nan e ta keda importante pa e reformanan wordo ehecuta den forma diligente cu e mesun energia cu e reformanan a wordo ehecuta na inicio di e proceso, y semper den bon cooperacion. Adicionalmente por indica cu esaki ta prome biaha cu a traha conforme e acuerdo

mutuo nobo firma dia 4 di april 2023. Ta papia di un posicion hopi mas balansa entre paisnan, cu enfoka riba respeta posicion di e paisnan y nan autonomia. Den transcurso di aña lo sigui traha riba e siguiente agenda di ehecucion y asina crea un proceso mas balansa teniendo na cuenta e meta principal cual ta, pa crea un Aruba mas resiliente.

*Minister Geoffrey Wever*

## Ta informa Parlamento di Aruba di Trade Mission Colombia

Riba 13 di juni 2023 Minister Geoffrey Wever a entrega Parlamento di Aruba e relato "Verslag Handelsmissie Aruba-Colombia" den cuadro di e mision comercial pa Colombia. Un mision comercial cu a tuma lugar den e periodo di 23 pa 27 di mei 2023 y cu e mandatario a lidera y acompaña pa Camara di Comercio y un delegacion di 15 compania di Aruba. Consejo di Minister di Aruba a trata y aproba e relato riba mesun dia 13 di juni 2023.

Cu entrega di e "Verslag Handelsmissie Aruba-Colombia" na Parlamento di Aruba minister Geoffrey Wever ta informa nos parlamentari- onan como representantenan di nos ciudadanonan riba su programa diario durante e mision comercial.

Minister Geoffrey Wever su programa diario tawata consisti di reunionnan cu diferente stakeholders den cual a trata diferente tema pa logra mas comercio y mas inversionnan entre ambos paisnan.

E mision comercial pa Colombia ta forma parti di e



manejo economico di Aruba inclui den e programa di gobernacion 2021- 2025 y ta

un instrumento importante pa fortifica e cooperacion economico entre e dos pais-

nan, facilita cu nos negoshinan tin mas acceso na e mercado Colombiano y stimula

cu nos consumidornan tin mas choice den productonan y servicio.

Entrega di e "Verslag Handelsmissie Aruba-Colombia" na Parlamento ta nifica cu e mision comercial a tuma lugar pero cu awor e fase di ehecucion ta start di loke a keda palabra durante e mision economico.

Ministerio di Asuntonan Economico, Comunicacion y Desaroyo Sostenibel a traha un plan di accion basa riba tur palabracionnan hasi durante e mision comercial.

Ta importante pa nos como pais haci bon uzo di e oportunidadnan economico cu Colombia ta brinda nos y pesey awor mi ministerio lo enfoca riba ehecucion di tur e accionnan cu e mision comercial a trece. Un mision comercial ta un inversion haci pa beneficio di nos comerciantenan y consumidornan y pesey ta di sumo importancia pa duna contenido concreto na nos esfuerso pa logra como resultado mas comercio y inversion entre Aruba y Colombia cu ta na bienestar di ambos pais segun minister Geoffrey Wever.





**Cuminsando cu 4 florin, bo por gana e suma grandi aki**

**Afl. 190.000,-**

Obtenibel na cualkier rebendado di Lotto.

sorteo ta awe nochi 7:45 pm



HUNGA AWO



## Calidad di aire pover na Hulanda pa via di calor y polen; Festivalnan ta sigui toch

(NLTimes)—E Netwerk di Monitorio di Aire Nacional ta spera calidad di aire insuficiente of te hasta pover den e dianan binidero pa via di temperatura halto, specialmente den e partinan central y sur di Hulanda. Calor ta causa un aumenta skerpi den e concentracion di ozon den aire. Mirando cu ta temporada di polen tambe, e riesgo pa kehonan respiratorio y problemanan cardiovascular ta aumenta.

Segun analista ambiental y biologo Arnold van Vliet di Universidad di Wageningen, polen ta un factor di riesgo pa atake di curason. Na banda di sintomanan di alergia, polen tambe ta aumenta e vulnerabilidad pa infeccion viral di pulmon. Pues e combinacion di e polen cu e calor, y un concentracion di ozon halto den oranan di atardi no ta saludabel, e ta argumenta.



Aunke estudionan di e impactonan riba salud ta andante na Hulanda, ta conoci caba cu calor y concentracion halto pa polen a causa morto na juni 1995 y juni/juli 2006.

En general, expertonan ta avisa hende cu ta sensitivo na polen pa keda paden lo mas hopi posibel, limita actividad fisico, specialmente atardi.

Polen di yerbe ta reduci na fin di luna ora e yerbe seca pa via di e calor. Pero net despues di esey, mugwort ta cuminsa crece, cual tambe por causa strobamento.

Sinembargo, festivalnan Best Kept Secret y Oerol ta bayendo bon a pesar di e calor y calidad di aire pover. Na e mesun momento tin ningun circunstancia straño pa

reporta pa via di e temperaturanan halto, segun e director di e festival a anuncia diasabra atardi.

Ambos evento a anuncia na comienso di siman cu nan ta prepara pa e calor. Na e festival di Best Kept Secret na Hilvarenbeek, Brabant, tin “suficiente luga cu sombra” den e bosque y suficiente pun-

to di awa unda bishitantenan por bebe awa gratis, un vocero a bisa.

Director di festival Maurits Westerik a bisa diasabra cu e festival ta bayendo “hopi bon” te awo. Tin “hopi sombra, pero tambe hopi calor” y e “lago y e bosque” ta bon pa bishitantenan, el a subraya. “E audiencia ta relaha y atento.”

Na Oerol riba Terschelling, tin un punto di awa central, ta bende suficiente sun block y bishitantenan ta wordo adverti riba pantaya, un vocero a bisa. Director di festival Siart Smit a bisa cu te awo “tur cos ta normal” na e festival. “E solo ta fuerte, pero e temperaturanan no ta dje malo.”

Segun Smit, e publico ta bon prepara. “Y tambe nos a adverti nan pa bebe suficiente awa, pone sun block y bisti pechi.”

## Prome vacuna pa Chikungunya ta den horizonte despues di pruebanaan exitoso

(Forbes)—Un vacuna pa chikungunya—un infeccion causa pa sangura cu sintomanan similar na dengue y Zika—finalmente por ta den horizonte despues di resultadonan positivo for di un prueba den etapa final a ser publica den The Lancet dialuna, un stap pa dilanti pa aborda e menasa riba un scala global mientras cu cambio di clima ta causa un aumento den condicionnan ideal pa e virus por plama mas.

Hechonan importante E vacuna di chikungunya di compania farmaceutico Valneva, cual ta traha di un forma menos fuerte di e virus y cual ta administra den un solo dosis, a presenta como un vacuna sigur, tolera basta bon entre obhetonan y a pro-



voca un respuesta di inmuun cu ta indica proteccion contra e malesa, segun e prueba cual recién a wordo publica.

Investigadonan a bisa cu e prueba—pa cual 4.115 adultonan saludabel na Merca a participa den dje, y 3.082 di nan a haya e vacuna—no a

causa preocupacion di seguridad pa e inyeccion, y Juan Carlos Jaramillo, e director medico na Valneva a bisa cu un directiva independiente ta evaluando e data di e prueba y cualkier reaccion reporta despues a yega na e mesun conclusion.

Efectonan comun reporta ta

inlui dolor di cabes, cansancio, dolor den weso y dolor na e sitio di inyeccion, cual tabata consistente entre diferente gruponan di edad.

Mirando cu e estudio a ser conduci na Merca, un region unda chikungunya no ta endemico, investigadonan

a midi e respuesta di e sistema di inmuun pa test di e vacuna en berdad ta proteha contra malesanan causa pa un infeccion cu e virus.

Respuestanan inmuun—cual a test den 362 participa, di cual 266 a ricibi e vacuna—tabata fuerte, segun e investigadonan, cu 99% di participante mustRANDO nivelnan anticurpa considera pa proteha contra e virus 28 dia despues cu vacunacion.

Mientras cu nivelnan anticuerpo—cual tabata similar pa ambos obhetonan jong y bieu—a cay despues di 28 dia, e investigadonan a bisa cu proteccion a persisti pa 96% di recipiente seis luna despues cu a haya vacuna.



*Corso:*

## Centrum Supermarket a ricibi ordo pa compensa muhe cu a cay cu 21,000 florin

(CuraçaoChronicle) - Centrum Supermarket a ricibi ordo pa paga aproximadamente 21,000 florin na muhe di 66 aña cu a cay y fractura su heup den e supermarket. E incidente en cuestion a tuma luga den november di aña 2018. E señora a trompica cu algun palo cu tabata den un area di e supermarket den proceso di renobacion.

E vloer no tabata cla y a pone palo di plywood pa asina e clientenan por cana riba nan y tin acceso na e produccion. Sinembargo no a pone e plywood adecuadamente, causando cu nan a bira bao e señora cu pia y el a cay.



E muhe aki a busca manera di haya compensacion for di e supermarket pa daño material cu ta yega te na casi 35,000

florin y pa dañonan no material cu balor di 50,000 florin. El a bisa cu e dañonan a ser causa pa motibo cu Centrum

Supermarket no a tuma suficiente medida di siguridad pa adverti clientenan di e area peligroso y e necesidad di cana cu cautela.

Segun e hues, e medidanan cu a tuma pa adverti e clientenan tocante e trabao di renobacion a laga hopi di desear. Un borchí pafo di e supermarket indicando cu tin construccion andando y otro borchí unda ta bisa cu por slip na e localidad no ta suficiente.

No tabatin nada pa adverti cu por cay riba e plywood y pa tene cautela. Te hasta den otro areanan di e supermarket por a mira borchinan similar.

Segun un reportahe investigativo, mester a cera e area pa preveni cu clientenan usa e area aki. Durante e audiencia, e muhe a splica cu e no por a limpia 2 apartamento cu e ta maneha, causando cu e no por a huur esaki. Tambe tabatin atraso den e construccion di varios studio. Pa causa di su situacion e no por a maneha e construccion.

Hues a otorga e señora casi 11,000 florin den dañonan material y 10,000 florin den dañonan no material. Adicionalmente, e supermarket mester cubri casi 10,000 florin den costonan legal.

## Cft: Maneho financiero di Sylvania no ta suficiente y surplus a evaporar a causa di obligacionnan financiero cu no a reporta

(CuraçaoChronicle) - Den Corsou su prome reportahe di ehecucion financiero di aña 2023, un surplus preliminar di 104 milyon florin a ser reporta den servicio ordinario. Esaki ta di acuerdo cu e presupuesto, segun e Cft, Sinembargo, e surplus aki tabata di 142 milyon florin fin di aña 2022.

Segun Cft, e disminucion ta sigui e aña aki. Corsou ta spera yega na aproximadamente 89 milyon florin den debenan pendiente, cual lo resulta den un surplus di mas o menos 25 milyon pa aña 2022. Cft ta considera cu e maneho financiero den e area aki ta bao di e standard y a duna e con-

seho urgente pa tuma e medidanan pa mehora e control di gastonan. E organisacion di supervision ta propone establece supervision prome cu yega na obligacionnan financiero, combina cu un politica di sancion apropiada.

A trece atencion tambe riba e situacion financiero precario di CMC. CMC te ainda no a haci ningun pago di e prestamo desde juni di aña 2020, causando cu Cft a cuminsa considera necesario un provision den e presupuesto. Sinembargo, e presupuesto te ainda no ta contene un provision, apesar cu Cft a pidi esaki.

E motibo cu e Minister di



Finanzas a duna ta cu e riesgonan principal cu CMC ta den e hecho cu e presupuesto aloca pa cuido di salud no ta

match cu e hospital su costonan di operacion, ademas di e inversionnan cu CMC tin cu haci.

Sylvania ta argumenta cu di acuerdo cu e Administrative Main Lines Agreement pa restructuracion di e entidad CMC riba 19 di october di aña 2022, un solucion lo ser presenta pa e situacion financiero di CMC fin di e aña aki. Cft ta haya cu tin tiki urgencia pa resolve e problema. E Minister su respuesta ta indica cu e solucion ta enfoca primeramente riba e perdanan cu ya caba a surgi y e formalisacion di e posicion di debe.

“E no ta cla si lo adresa tur esaki den e solucion cu lo presenta. Cft a enfatisa e importancia di yega un solucion structural pa e situacion financiero precario di CMC.”

## Paisnan CAS: Duna prioridad na convenio pa violencia di hende muhe y muchanan

(CuraçaoChronicle) - Curaçao, Aruba y Sint Maarten recientemente a anuncia nan intencion di duna prioridad na e introduccion di dos tratado internacional cu e meta di preveni violencia contra hende muhe y muchanan segun declaracion haci durante consulta oficial legislativo tocante relacionnan di Reino.

Secretario di Estado Alexan-

dra van Huffelen, encarga cu relacionnan di Reino, a trece dilanti e informacion den respuesta na preguntanan cu e Senado a trece dilanti pa cu e tratadonan di derechonan humano, particularmente pa e paisnan CAS. A nota cu e paisnan aki tin falta di e conocimiento necesario y capacidad di implementacion.

Como consecuencia di esaki, Hulanda a dicidi di provee asistencia na e paisnan aki.

Sinembargo, a surgi un mal comunicacion den e gobierno; Ademas di e Ministerio di Asuntonan Exterior kende a cuminsa ehecuto e proceso, e Ministerio di asuntonan interior y di Reino tambe a cuminsa cu nan mesun strategia pa trata esaki.

Ora cu a confronta minister Hoekstra a trece esaki dilanti, Van Huffelen a keda di acuerdo pa explora con e dos iniciativas aki por ser uni.





## E caso di asesinato di Peter R. de Vries ta cuminsa proceso na cuminsamento di 2024; a acusa dos sospechoso nobo

(NLTimes)—E sospechosonan den e asesinato di Peter R. de Vries ta bay haya proceso cuminsamento di otro año, segun corte a bisa diamars, casi dos despues cu e crimen a tuma luga. OM Hulandes a bisa cu nan ta bay acusa dos sospechoso nobo awe.

Peter R. de Vries a ser tira pafo di e studio RTL Boulevard riba Lange Leidseswarstraat na Amsterdam dia 6 di juli 2021. El a fayece den hospital un siman despues. Sospechosonan Delano G. y Kamil E. a haya procesamiento caba, pero autoridadnan a detene sospechosonan nobo net prome cu e huicio, cual a ser posponi. Corte a ordena un



procesamento nobo pasobra un di e huesnan a relocalisa mientras tanto y tambe pa agrega mas sospechoso den e caso.

Den corte diamars, OM a confirma cu e asesinato di de Vries eigenlijk mester a pasa

un dia prome, riba 5 di juli. Pero e homber cu mester comete esaki, Konrad W., a dicidi pa no haci esaki ta cu de Vries no a presenta na e studio e dia ey. Krystian M., e “broker di asesinato” cu supuestamente a coordina e asesinato, a contrata Delano

G. pa tira e reportero solamente algun ora prome cu esaki a sosode.

Om tambe a confirma reportahenan cu a bisa cu varios di e sospechosonan tabatin conexion na un asalta riba e ex-sua di e hefe criminal Ridouan Taghi na mei 2021. Supuestamente, Taghi a ordena e asalta for di prizon pasobra su ex-sua a maltrata su ruman muhe. Segun Een Vandaag, ken a reporta e conexion aki na mei, ta e prome conexion concreto entre e asesinato di de Vries y e organisacion Taghi.

E ultimo piesa di informacion nobo cu OM a revela tabata cu e arma uza den e asesinato

por a bin for di un deposito di arma cu polis a descubri na Alphen aan den Rijn na maart añá pasa.

Un total di seis sospechoso tabata presente pa e audiencia pro-forma diamars. Delano G. no a aparece pero Krystian M. si. Segun su abogado, e ta preocupa cu hende por identific’e for di pintura cu e artistanan di corte a haci.

E proximo audiencia di status ta bay tuma luga na september. E Corte ta spera pa cuminsa e procesamiento na januari otro año. El a reserva diesdos dia di audiencia na januari y februari pa e procesamiento.

## Servicio di Inteligencia Hulandes a adverti CIA di un plan Ucrainiano pa ataca liña di tubo Nord Stream

(NLTimes)—Autoridadnan Hulandes a haya sa di un plan Ucrainiano pa sabotia e liña di tubo di gas natural Nord Stream tres luna prome cu esaki a haya daño den un atake na fin di september 2022. E agencia di inteligencia militar, MIVD, a adverti Agencia di Inteligencia Central (CIA) na Merca di e plannan, y oficialnan Mericano a adverti Ucrania pa no atake e tubonan, segun fuentenan anonimo a conta NOS y Nieuwsuur.

Aunke Ucrania a cancela nan plan, asina mes e tubonan di gas a ser ataca cu un metodo similar di kico MIVD a pensa lo pasa. Un siman pasa, The Washington Post a reporta cu un aliado Europeo a alerta Merca di plannan di Ucrania pa e sabotahe. Prome cu esey, New York Times a reporta cu oficialnan Mericano a sospecha gruponan pro-Ucrania pa e incidente den september añá pasa, y cu e gruponan ey lo por a separa nan mes for di e gobierno Ucrainiano. MIVD a discuti plan cu autoridadnan Aleman, NOS a reporta. CIA tambe a comparti e informacion cu Alemania, segun The Washington Post.

Un serie di explosion a causa daño na e liña di tubo Nord Stream 1 y 2 dia 26 di september, mas tanto den parti atardi. E explosionnan bou awa a tuma luga den e Lama Baltico, causando daño den e



tubonan uza pa transporta gas for di Rusia pa Alemania cerca di Bornholm, Dinamarca, pero tambe den cercanía di e frontera Sueco. Investigadonan di e paisnan ey a bisa te awo cu e explosionnan tabata intencional.

A culpa Rusia mas tanto pa e atakenan, pero e pais semper a nenga nan envolvimento, puntando dede na Ucrania. Volodymyr Zelenskyy, e presidente Ucrainiano, a nenga responsabilidad.

E tempo ey, e atake a causa un gran desorden rond mundo,

pero hasta awe, hopi preguntata a keda sin contesta. Prome, hopi pais a punta dede na Rusia. Mientras tanto, mas y mas indicacion a sali na luz cual a sugeri cu Ucrania tabata involvi den e incidente, un sugerencia cu Presidente Zelenskyy a nenga fuertemente.

No tabata inmediatamente claro con MIVD a yega na e inteligencia tocante e plan pa explota e liña di tubo Nord Stream, NOS y otro media di comunicacion a bisa.

Nan fuentenan a bisa cu nan ta kere cu e minister di Defensa, Kajsa Ollongren, a ser informa, y cu e minister di Asunto den Exterior, Wopke Hoekstra, y e prome minister, Mark Rutte, tambe a haya informacion tocante esaki.

E plannan obteni pa MIVD a yama pa General Ucrainiano Valery Zaluzhny pa lidera e operacion. El a yama pa uza un yate pa transporta un ekipo di buceo na e tubonan pa asina produci e explosionnan. Segun NOS, Zelenskyy no

tabata involvi den e planificacion di esaki. MIVD tambe a obtene informacion for di un fuente Ucrainiano despues cu e explosion a sosode cu a sugeri cu apoyadonan Ucrainio tabata tras di e accion aki.

Oficialnan di inteligencia ainda no ta sigur si Ucrania, apoyadonan pro-Ucrainio of un otro grupo tabata tras di e atake. Ainda esaki ta bou investigacion, y miembran di e Gabinete Hulandes tin duda pa culpa un hende directamente.



## Gruponan Neonazi ta sigui crece na Brazil

**(Reuters) - Na november di aña pasa, oranan prome di un concentracion di inmigrantenan Haitiano na e ciudad di Itajai, ubica na estado sur di Santa Catarina, e organisado di e evento aki a ricibi un mensahe alarmante.**

“Boso cancela e protesta di Haiti of nos ta bay comete un masacre,” tabata bisa e e-mail, “Santa Catarina ta un tera di hende blanco, pa hende blanco,” e anonimo firmado cu e saludo nazi “SIEG HEIL” tabata bisa.

Finalmente, e evento a celebra si ni un problema cu presencia policial. Sinembargo, e e-mail cu ta sigui bao investigacion pa polis di Santa Catarina, ta e indicativo di un chikito pero creciente number di casonan di neonazismo na Brazil cu a aumenta cu politica di derecha extremo durante e mandato di ex-presidente Jair Bolsonaro. Polis Federal di Brazil a bisa cu e number di investigacionnan habri pa presunto incitacion na neonazismo a aumenta for di 2019, cu un

“aumento significativo” e aña aki.

Ley Brasileño contra racismo di 1989 ta castiga uso di simbolonan vincula cu nazi y e discursonan cu ta considera “como apologia di regimen di Adolf Hitler” cu no ta protegi pa statuutnan di libertad di expresion na Brazil.

Polis a bisa cu a habri 21 investigacion tocante e supuesto, fabricacion, benta, distribucion di “swastika” e cruz nazi “cu tin e proposito di expande esaki” den aña aki, compara cu 2018, aña den cual Bolsonaro a keda eligi como presidente.

Na april, un dia despues cu un homber di 25 aña a mata cu un hacha cuatro mucha den un crèche na Santa Catarina, minister di Husticia, Flavio Dino, a ordena Polis pa investiga e organisacionnan neonazi cu posiblemente tabata opera mas leu di e fronteranan estatal.

E sospechosonan a usa armband cu e swastika nazi den dos atentado escolar cometi e aña aki na Brazil.

Algun expertonan ta bisa cu e cifranan ey no ta refleha e



magnitud di e problema na scala nacional. Asociacion Nacional Hudiu di Brazil (CONIB) a bisa cu nan a ripara “un aumento sin precedente den e number di gruponan extremista, e mayoria di e cual ta neonazi.”

Investigadonan di Universidad Unicamp na estado di

Sao Paulo a identifica un aumento di mas di 10 biaha den number di agrupacion aki na Brazil for di 2015. Den un video pa presenta loke nan a haya, e investigadonan di Unicamp a bisa cu Bolsonaro a “fomenta” e aumento aki cu su discurso revolucionario.

E problema di neonazismo

na Santa Catarina ta particularmente grave, ya cu ta un estado na unda hopi hende tin antepasado Aleman y Italiano. E region tin e mayor cifra di residentenan blanco na Brazil, cu un 84% cu a declara esey den un censo nobo.

## Colombia: Recuperacion di e muchanan rescata den e selva ta “hopi satisfactorio”

**(EFE) - E cuatro mucha indigena cu a keda 40 dia perdi den selva di sur di Colombia despues di un accidente aereo ta ricibi atencion multidisciplinario pa “nan recuperacion fisico y mental,” manera Hospital Militar Central a informa ayera diamars y tambe ta sigura cu nan evolucion “ta hopi satisfactorio.”**

E parti medico ta indica cu e rumannan Lesly Jacobombaire Mucutuy, Soleiny Jacobombaire Mucutuy, Tien Noriel Ranoque Mucutuy y Cristin Nerimann Ranoque Mucutuy for di diasabra ultimo ta “bao asistencia profesional interdisciplinario, ricibiendo atencion integral y un maneho articula di parti di e diferente especialidad clinico di acuerdo cu e necesidadnan particular di cada un di e mucha.”

E comandante general di Forsa Militar, general Hélder Fernán Giraldo, ken a bishita e muchanan fin di siman ultimo ayera a informa na prensa cu “e parti medico ta hopi satisfactorio” y cu nan ta evolucionan favorablemente



di e situacion di desnutricion y deshidratacion den cual a haya e muchanan diabierna di siman pasa.

“Ora a haya e muchanan, a traves di celulan di buskeda integra pa Comandonan di Forsa Militar y Indigena, a haya nan den un estado halto di desnutricion y deshidratacion,” e general Giraldo a afirma.

Lesly, di 13 aña; Soleiny, di 9; Tien Noriel, di cinco aña, y Cristin Neruman, e baby di un aña ta ricibi atencion medico den cual ta combina

un enfoque biologico, psicologico y sociocultural cu ta involucra e familiarnan y nan custumbernan.

A haya e cuatro ruman diabierna ultimo den profundidad di e selva, entre e departamentonan di Caqueta y Guaviare, na unda casi 200 militar componi di Forsanan Special di Ehercito y Indigenanan di e zona, tur di nan integra den Operacion Esperanza, a busca e muchanan sin descanso durante simannan.

Despues di e rescate a hiba nan cu helicopter di Forsa

Aereo Colombiano te San Jose del Guaviare, capital di Guaviare, na unda un avion configura como ambulance a hiba nan na Bogota.

E accidente aereo a tuma lugar dia 1 di mei ultimo ora un avion Cessna 206 di e compania Avianline Charter’s den cual e cuatro mucha tabata biaha hunto cu nan mama, un lider indigena y e piloto, a cay den selva Amazonico. Den hecho aki e tres adulto a muri, entre nan e mama di e muchanan.

Minister di Defensa, Ivan

Velazquez, ayera tambe a anuncia cu ekiponan di buskeda ta bay haya condecoracion “den proximo simannan den un ceremonia di reconocimiento na e comandonan militar y indigenanan cu a participa den esaki cu a duna asina tanto alegria na tur e pais.”

Ademas, e general Giraldo a informa cu den e zona na unda e avion a accidenta ta continua 70 efectivo buscando Wilson, e cachu cu a perde den e selva y cu tabata yuda nan den e buskeda.



## Venezuela: Chauffeurnan ta pidi aumento di pasashi pa evita colapso di transport publico

(ElNacional) - Fernando Mora, director ehecutivo di e Camara Venezolana de Empresas de Transporte Extraurbano, a señala e siman aki cu ta necesario pa e Ehecutivo nacional aproba e aumento nobo di pasashi pa evita e colapso di transport publico, manera nan a experiencia algun año atras.

Den un entrevista pa Fedecamaras Radio, Mora a splica cu e acuerdo di e tarifa ac-



tual di e pasashi a ser realisa na momento cu e balor di e dollar tabata bao di 23 bolivar. "Awendia e dollar ta riba 26

bolivar, door di cual e tarifa a devalua," e transportista a indica.

El a ratifica cu e peticion di e chauffeurnan ta pa establece di un manera fiho un tarifa di pasashi di 50 cen di dollar, locual lo representa un aumento di 93% den e cantidad cu e usuarionan mester paga.

Mora a indica cu e propuesta ta riba mesa ainda, door di cual nan ta spera cu nan por reuni cu e Ehecutivo nacional

pa tuma decision ariba e tarifa di e pasashi.

"E gobierno ta consciente di kico ta e situacion di e sector di transport publico, door di cual nan mester pronuncia nan mes y haci un ahuste na e tarifa pa e bon di e sector," el a agrega.

"Nos no kier bolbe biba loka a sucede añanan atras ora cu e transport publico a colapsa y e personanan mester a cana mas," el a apunta.

## Haiti: Prome Minister Henry ta keha di falta di apoyo pa transicion politico

(DiarioLibre) - E Prome Minister di Haiti, Ariel Henry, a keha diadomingo ultimo di e falta di apoyo pa logra e transicion politico den e poder di e pais, durante su intervencion den un reunion cu e miembronan di e Comunidad di Caribe (Caricom), den cual Jamaica a presenta un solucion pa e crisis cu e pais Caribense ta pasando aden.

"Si e stapnan duna pa e gobierno tabatin exito, si tur hende e contribui na e construccion di e edificio, nos lo mester tabata den periodo electoral, pasobra nos lo tabatin tempo pa revisa nos

constitucion y pone cana un Consejo Electoral Provisional," e gobernante Haitiano a expresa a traves di su cuenta do Twitter.

Den e tweet, un di varios cu el a publica diadomingo riba su cuenta oficial, Henry a indica: "Pronto lo cumpli dos año cu nos ta den e transicion aki. Ya ta ora di cuminsa e proceso cu mester hiba nos na eleccion liber, democratico y inclusivo. Algun persona ta bisa cu mi tin deseo di continua den poder, esaki ta un eror."

Den otro di e mensahenan, el a afirma cu loka su gobierno a priminti pa logra e transi-

cion ta bay wordo cumpli. "Nos a haci e compromiso dilanti e nacion pa realisa un remodelacion den interior di e gobierno. Nos lo haci'e. Nos a haci e promesa di realisa reformanan na nivel di administracion publico. Nos lo haci'e. A anuncia cambionan significativo pa pone den ordo e diplomacia. Nos lo haci'e. A duna e garantia cu lo reemplaza algun agente temporal den e comunidadnan local y esey tambe nos lo haci."

Den su mensahenan riba e red social, extraí for di su discurso, Henry ta destaca cu e negociacionnan pa e transicion a extende pa 20 luna,



desde cu actornan politico y sociedad civil, a firma un acuerdo politico pa gobernansa pacifico y efectivo di e periodo interino, dia 11 di september 2021.

Henry tambe a bolbe ratifica e criterio di no intervencion

pa presenta solucionnan pa e crisis cu su pais ta pasando. "Tur hende sa cu ningun solucion duradero pa Haiti por bin di exterior, no wordo imponi pa otro, sea nan ta di Caricom of otro parti," el a apunta den un di e mensahenan ariba Twitter.

## Segun Tarek William Saab Venezuela no mester di un oficina di CPI

(ElNacional) - E fiscal general di Venezuela, Tarek William Saab, a sigura dialuna cu na Venezuela no ta necesario e instalacion di un oficina di e Corte Penal Internacional (CPI) pasobra e Ministerio Publico ta den capacidad di realisa investigacionnan ariba presunto violacionnan di derechonan humano.

"Na Venezuela nos ta haci husticia den materia di derechonan humano. No tin mester pa un instancia transnacional, sea e ta yama CPI of con cu ta, haci loka ya caba nos ta haciendo na e pais. No tin motibo pa mete na Venezuela un organismo transnacional," el a bisa den un entrevista concedi na Globovision.

Djis algun dia pasa, e gobi-



erno di Nicolas Maduro a suscribi un acuerdo cu e fiscal di CPI, Karim Khan, cu ta inclui e instalacion di un oficina di asistencia tecnico na Venezuela.

El a sigura cu e firma di e dos Memorandum di Comprometimento ta un avance positivo di e Estado Venezol-

lano, locual, den su opinion, "ta un tema cu no mester wordo usa ni na fabor ni den contra. E tema di derechonan humano ta un tema di husticia y di berdad."

Saab tambe a insisti cu hopi di e denuncianan presenta na CPI ta promovi pa esnan cu no ta victima.

El a señala cu e iniciativa di e secretario general di e Organizacion di Estadonan Americano, Luis Almagro, di hiba Venezuela dilanti e Corte Penal Internacional tabata un conspiracion estrictamente politico.

E fiscal a enfatisa cu e Min-

isterio Publico ta lidera un accion penal cu, basa riba e denuncianan di derechonan humano, a actua cu hopi forsa di manera estrecho y di un forma implacabel, cu ta e sancionnan den e materia aki y cu tin cifra- y informenan.

El a indica cu Ministerio Publico a documenta por lo menos cuater mil folder dilanti e fiscalia di CPI pa demostra e efectonan di e sancionnan ariba e pais.

"E realidad ta cu tin un alcance di comprendemento. Esaki ta e di dos alcance di dicho memorandum y nos ta bay sigui den loka nos ta yama e etapa di complementaridad y demostra cu Venezuela den e casonan concreto cu na su momento por a wordo denuncia a haci husticia," el agrega.



## Colegio Bon Bini y Aurora Kleuterschool ta dos di e seis scolnan ganado di e proyecto EduTech

Dialuna mainta, Prome Minister Evelyn Wever-Croes hunto cu Presidente di Parlamento Sr. Edgard Vrolijk, a bishita Colegio Bon Bini pa asina mira e bunita proyecto cu nan a inscribi y gana di Edutech. Cu e fondo cu nan a ricibi, nan a cumpra 4 eBoards pa cuater klas y 25 tablet pa nan smartroom. Riba nan mesun forsa a cumpra 2 eBoards mas, facilitando asina tur 6 klas cu un borch digital.

Na aña 2019 pa 2021, Gobierno hunto cu Futura den e programa di innovacion a hiba hopi proyecto piloto di trece digitalisacion den enseñansa. E tempo aki, 4 scol a haya atencion cual tabata Cacique Aterima, Cacique Macuarima, Pastoor Colegio Kraanwinkel y Franciscus College. Pa aña escolar 2022-2023 a tuma e decision pa cambia e concepto, y a bin cu e proyecto Edutech, caminda ta pone e iniciativa cerca e



scolnan. Cada scol lo mester a inscribi un proyecto cu nan lo traha, skirbi y entrega. E proyecto aki lo wordo evalua pa un hurado cu lo saca e scolnan ganado.

Pa e proyecto Edutech, tin 400 mil florin disponibel pa e aña escolar aki, y ya caba mita di e

proyecto aki a wordo otorga. Un total di 6 scol a gana cu nan proyecto cu nan a entrega, di cual Colegio Bon Bini y Aurora Kleuterschool tabata dos di nan. E proyecto di Edutech tin hopi beneficio pa e scolnan mirando cu e materialnan aki, manera eBoards



y tablets ta duna oportunidad na e maestronan pa ta mas interactivo, estimulando asina participacion entre estudiante y maestronan.

“Di por mira tur klas cu nan borch digital ta yena mi cu hopi alegria. E proyecto aki a prueba caba den pasado, di ta sumamente beneficioso pa

e muchanan, mirando cu nan ta hopi mas activo den klas. Un pabien na e cabesantenan, tur docente y alumnonan cu e progreso aki riba tereno di innovacion y digitalisacion. Mi ta sigur cu esaki lo contribui na resultadonan exitoso pa e aña escolar,” Prome Minister a expresa.

## Prome Minister ta felicita e comunidad Filipino cu nan 125 aña di independencia

Prome Minister Evelyn Wever-Croes ta felicita tur Filipino cu ta biba na Aruba y mundo henter cu e celebracion di nan di 125 aña di independencia



di Spaña. Den e ultimo 20 añanan na Aruba, riba e fecha aki, ta hisa e bandera di Filipina na Wilhelmina Park, acompaña pa un acto ceremonial protocolario.

Prome Minister a expresa cu e comunidad di Filipina ta hopi conoci na Aruba pa ta hendenan servicial cu ta traha sumamente duro pa por progresa, y cu tin un curason grandi pa yuda otro. E ta un honor di por tin cada un di nan como residente aki na Aruba, yudando asina nos

economia desaroya.

“Den nomber di Gobierno di Aruba, mi kier a felicita full e comunidad di Filipina riba e dia tan special aki. Danki na cada un di boso cu a laga boso hogar atras pa bin estableci na Aruba, yudando asina nos economia sigui draai. Aruba ta den recuperacion y esaki ta danki na tur esnan cu ta biba akianan. Nos ta spera cu tur esnan cu a kere den Aruba den bon y mal tempo por sigui yuda desaroya nos pais” Prome Minister a expresa.

# WE LIVE BECAUSE YOU GIVE!

**WORLD BLOOD DONOR DAY | JUNE 14<sup>th</sup> 2023**

*Thank You*  
for your kindness!

**BLOEDBANK ARUBA**

Give blood, share life, share often!





**HAPPY Father's DAY**

Make your dad feel special with a Samsung Galaxy A72

**FREE**

**Postpaid U Comfort**

- 125 GB LTE Data
- Unlimited SETAR Minutes
- 400 Other Minutes\*\*\*
- Unlimited SMS to SETAR
- 500 MB Roaming Data\*\*\*\*

\* Prijs di celular ta GRATIS cu contract di 2 aña cu Postpaid U Comfort di Afl. 210,- pa luna cu 125GB di LTE Data, 400 minuut pa yamadan internacional y otro proveedor, minuut ilimita ta pa celular y telefon fiho di SETAR y SMS ta ilimita di pa celular di SETAR.  
 \*\* Promocion di Dia di Tata ta inclui un Nautica S100 Bluetooth Speaker cu compra di un Samsung Galaxy A72. Promocion ta valido te cu 17 di juni 2023 pa e prome 50 cliente cu compra un Samsung Galaxy A72 cu cualkier pakete di Postpaid U y Hybrid.  
 \*\*\* Other Minutes ta inclui minuutnan pa yamada pa otro proveedor local y internacional (fiho y celular) pa e siguiente paisnan: Boneiro, Canada, Colombia, Curaçao, Republica Dominicana, India, Hulanda, Panama, Peru, Saba, St. Eustacius, St. Maarten, Venezuela y Merca.  
 \*\*\*\* Roaming Data inclui den pakete di Postpaid Comfort ta valido pa e siguiente paisnan: Boneiro, Curaçao, Hulanda, Saba, St. Eustacius, St. Maarten y Merca.

**SETAR**

## “Art & Science Fair” di Maria college a expone talento di hobennan

Maria College Mavo recientemente a organisa un “Art and Science Fair” den cual alumnonan di e scol a expone nan talento den ramo di ciencia, proyectonan di arte y di baile. Prome Minister Evelyn Wever-Croes a asisti e evento y a keda impresionada cu tur locual cu e hobennan a presenta.

Prome Minister Wever-Croes a expresa cu e exposicion di proyectonan di ciencia tabata sumamente interesante y tur locual cu nan a presenta tabata impresionante. “Ta mira cu nos hobennan ta hopi involvi den asuntonan di medio ambiente y desaroyo sostenibel.” E exposicion di arte tambe a laga Prome Minister totalmente sorprendi. Tabatin bunita obranan di arte entre otro cuadronan bunita cual algun tabata na benta.

Prome Minister ta aplaudi Maria College pa a organisa e evento aki y asina stimula hobennan pa expone nan talento y loke nan por haci cual ta muestra di locual cu



bo por logra ora cu bo ta determina y dedica na locual cu bo gusta.

Finalisando, Prome Minister a expresa cu e evento aki por sirbi como ehempel cu otro scolnan por uza, paso nos hobennan tin hopi talento. “Pabien na tur alumnonan y Maria College Mavo cu e bunita Art & Science Fair.”





## Auto cu 2 persona coriendo irresponsabel tabata auto horta, polis a persigui nan y a detene nan

Diasabra atardi a drenta informe di cu tin un Toyota Corolla coriendo den un forma irresponsabel den Bushiri, mesora a dirigi patruyanan pa yega for di diferente punto.

Un di e patruyanan a topa e vehiculo aki den Madiki Kavel y ora cu e antisocialnan a ripara cu nan ta ser sigui nan a bula sali for di e auto y cuminsa core na pia lagando e auto bay dal riba un cura di cas. Como polis a mira nan con nan tabata bisti y a tuma nan apariencia a pasa esaki na



e otro unidadnan den cercanía y un otro patruya a logra gara nan y a detene nan. Polis a confisca e auto pa mas investigación.

## Na Alto Vista explosion den stoof a laga cas yena cu huma



Diadomingo atardi a drenta informe di cu despues di un zonido di explosion a laga un cas yen di huma na Alto Vista, mesora a dirigi un patruya

na e sitio.

Na yegada di e patruya a bin compronde cu e dama a pone algo horna den stoof y despues di un rato esaki a explota y

a yena e cas cu huma. Como cu ya a habri tur e bentananan y portanan e huma a cuminsa disparce.

## Pelea di pareha na Bushiri



Diadomingo madruga a drenta informe di un pelea na Bushiri. Mesora a dirigi

un patruya na e sitio.

Na yegada di e patruya a bin compronde cu aki lo tabata

trata di un pelea di un pareha. Polis a intermedia.

## Motociclista a perde control bay dal riba cura di bisiña



Diasabra atardi a drenta informe di un accidente cu hende herida na Paradera, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda un

motociclista a perde control bay dal riba cura di palet di su mesun bisiña. Debi na e impacto e motociclista a resulta herida. Na yegada di e ambulance nan a atende e victima y a transporte pa hospital. E bisiña mes a keda di para responsabel a drecha e cura di palet bek.

## Taxista a dal turista den parking lot di un hotel na Palm Beach



Diasabra anochi a drenta informe di un accidente cu hende herida den parking lot di un hotel na Palm Beach. Mesora a dirigi tanto polis como ambulance na e sitio.

Na yegada di e patruya a bin compronde cu un taxista lo no a wak un turista crusando y a dal e turista. Na yegada di e ambulance nan a atende cu e victima y a transporte pa hospital.





## Dama chauffeur a sali dilanti pickup cu e no a mira y nan a accidenta na Sero Biento

**Dialuna mainta a drenta informe di un accidente cu hende herida na Sero Biento, mesora a dirigi tanto polis como ambulance na e sitio.**

Na yegada di e patruya a bin compronde cu e dama chauffeur di un Suzuki a bay subi e crusada "T" pero no a logra mira e pickup ta bini y nan a dal den otro te kibra e glas di e bentana di e porta patras banda robes di e auto unda 2 mucha tabata sinta. Door di e impacto e muchanan lo a dal riba otro y a resulta levemente herida. Na yegada di e ambulance a revisa e muchanan na e sitio mes.



## Polis a intercepta auto horta un rato prome na Bushiri



**Diadomingo madruga a drenta informe di un caso di ladroncia di un auto na Bushiri, mesora a dirigi patruyanan na e sitio.**

Durante cu polisnan a dirigi nan mes na e area a bin

topa cu e Toyota Tercel cu net a caba di ser horta un rato prome. E auto tabata cendi ainda y a con fisca e vehiculo aki y a pidi pa un takelwagen bin busc'e pa mas investigacion.

## Polis y bomberonan a bay pa un candela na Hyatt Regency Hotel den oranan di mey anochi



**Dialuna madruga a drenta informe di cu tin un candela andando na Hyatt Regency na Palm Beach, mesora a dirigi tanto polis**

**como bombero na e sitio.**

Na yegada di e patruya a bin compronde cu aki ta trata di un candela na un kiosco

banda di e pool na Hyatt, na yegada di bombero mesora a combati y a paga e candela rapidamente.

## Sandalia di mucha a pega den roltrap y e strap a cera su pia want'e pega



**Diadomingo anochi a drenta informe di cu pia di un mucha a pega na e roltrap di un hotel den Oranjestad, mesora a dirigi tanto polis como ambulance na e sitio.**

Na yegada di e patruya a bin compronde cu aki ta trata di e sandalia di un mucha cu a pega den e roltrap y e strap di e sandalia a cera te wanta e pia di e mucha mesora e trahadonan a logra saca e pia di e

mucha pega y liber'e. Mirando cu nan mes a logra los e y atende a cancela e ambulance y a hib'e den un bus di e hotel mes pa hospital.





# Fayecidonan por aparece na funeraria como un clon digital danki na inteligencia artificial

*Industria di funeraria ta rekeri reglanan*

(NLTimes) - Pa algun, e ta un soño cu a bira realidad y pa otronan esaki ta trece mas sufrimento. E prome entieronan unda e fayecido cu e ayudo di inteligencia artificial por duna un speech of papia cu e invitadonan no ta escena cu ta mira den pelicularnan di ficcion so mas,

Aunke progreso den e area aki te ainda ta avansando, e industria di funeraria Hulan-des BGNU ta adverti cu tin cu introduci mas regla den trata cu e persona virtual cu a fayece.

Aña pasa a bira posibel pa un famia di England por papia cu e wela cu a fayece na su propio entierro. Sinembargo, esaki a pasa cu e clon digital di e wela. Esaki a resulta de un espectáculo den cual e clon di e fayecido a duna un speech chikito durante su entierro y a papia cu e personanan presente. Ora cu tabata haci pre-



gunta, e clon tabata cuminsa conta anecdota di e bida di e



wela cu te hasta algun di es-unnan presente no tabata sa.

E moda di despedida virtual a ricibi sosten y cada biaha ta ser desaroya mas pa e companianan di tecnologia pa un tempo caba. Por ehempel, Microsoft a desaroya un chatbot cu ta crea efectonan

similar na bida di e persona fayecido pa medio di extrae data di e persona su men-sahenan di rednan social y potretnan. Ademas, Amazon, cu su assistent activa cu bos Alexa, a logra imita e stem di tal manera cu e personanan na bida por papia cu e fayecido.

# Fayecidonan por aparece na funeraria como un clon digital danki na inteligencia artificial

*Industria di funeraria ta rekeri reglanan*

(NLTimes) - Pa algun, e ta un soño cu a bira realidad y pa otronan esaki ta trece mas sufrimento. E prome entieronan unda e fayecido cu e ayudo di inteligencia artificial por duna un speech of papia cu e invitadonan no ta escena cu ta mira den pelicularnan di ficcion so mas,

Aunke progreso den e area aki te ainda ta avansando, e industria di funeraria Hulan-des BGNU ta adverti cu tin cu introduci mas regla den trata cu e persona virtual cu a fayece.

Aña pasa a bira posibel pa un famia di England por papia cu e wela cu a fayece na su propio entierro. Sinembargo, esaki a pasa cu e clon digital di e wela. Esaki a resulta de un espectáculo den cual e clon di e fayecido a duna un speech chikito durante su entierro y a papia cu e personanan presente. Ora cu tabata haci pregunta, e clon tabata cuminsa conta anecdota di e bida di e wela cu te hasta algun di es-unnan presente no tabata sa.



E moda di despedida virtual a ricibi sosten y cada biaha ta ser desaroya mas pa e companianan di tecnologia pa un tempo caba. Por ehempel, Microsoft a desaroya un chatbot cu ta crea efectonan similar na bida di e persona fayecido pa medio di extrae data di e persona su men-

sahenan di rednan social y potretnan. Ademas, Amazon, cu su assistent activa cu bos Alexa, a logra imita e stem di tal manera cu e personanan na bida por papia cu e fayecido.

BGNU ta conseha pa e personanan cu kier ser represen-

ta pa un chatbot of clon digital despues cu nan fayece mester specifica esaki den nan testament. Sinembargo, director Brigitte Wieman di BGNU tin duda pa cu e desaroyo aki y ta enfatisa cu “mester tin reglanan pa regula e derechonan. Paso ken ta permiti determina ki data, mensahe

of potret di e persona ta ser usa pa inteligencia artificial despues di su morto? Mester tin un investigacion tocante esaki,” Wieman a declara. Segun BNGU, inteligencia artificial ta haci hopi posibel, “pero nos mester kier esaki? E ta bira problematico ora un persona no por laga bay di un



## Campeonato Nacional Landamento Artístico 2023

Manera custumber na final di temporada Landamento Artístico tin su Campeonato Nacional. E idea ta cu tur miembro di club ta participa di esun mas chikito te esun mas grandi. A tene e competencia aki over un duracion di 2 dia cu 3 sesion.

Mester bisa cu un publico grandi a presenta pa disfruta di e varios rutinanan. Un danki grandi na tur e hues y boluntarionan cu sin nan lo no ta posibel pa organisa un evento asina grandi.

E seleccion cu ta preparando pa biaha pa El Salvador aki dos siman tambe a presenta nan rutinanan y mester bisa cu pa prome biaha Aruba lo bay competi cu un ACRO TEAM. Esaki ta un evento nobo, na unda e atletanan mester haci acrobacia. E ta un rutina hopi espectacular y cu hopi riesgo. Durante e luna di April nos atletanan tabatin un Campamento cu un coach internacional, Sr. Victor Cana cu ta un atleta olimpico di Artistic Gymnastic y actualmente e ta e Gymnastic coach e team di Landamento Artístico na USA.

Despues di esaki nos atletanan a sigui training cu e Artistic Gymnastic coach di Aruba mes, Sr. Jimmy Palma. E training aki ta un parti integral awendia den e deporte di Landamento Artístico.

Alabes kier informa cu lo bai tin summercamps durante e temporada di vakantie grandi



na unda tur mucha homber y mucha muher por participa. E unico rekisito ta cu e mucha mester por landa den awa hundo.

E resultadonan ta como lo si-

giente:

Beginners: 1. Tahnee Felicina, 2. Aliyah Croes, 3. Ella Gomes, 4. Amaya Verdugo, 5. Khloë Guanipa.

Novice: 1. Joslyn Velasquez, 2. Ninziah Alexander, 3. Isa-



bela Vasco, 4. Camila Pinillos, 5. Luisa Pinillos.

Intermediate: 1. Kaylie Eman, 2. Zoë Olmtak.

12 & under: 1. Khloë Rafini, 2. Nalini Lopez-Henriquez, 3. Sydelle Lopez-Henriquez,

4. Vitali Inocencia, 5. Katherine Merruweather, 6. Zaria Wester, 7. Victoria Henriquez. Youth Agegroup: 1. Xia Rodriguez, 2. Xiana Hoo, 3. Daniela Muñoz, 4. Kendra Simon.

## Ganadonan di WE Aruba den futbol categoria b mucha homber



Siman pasa a tuma luga competencia di Weganan Escolar 2023 den e disciplina di Futbol di Categoria B di Mucha Homber na Compleho Deportivo Frans Figaroa. Sint Franciscus College a titula campeon di Categoria B Mucha Homber, Cacique Macuarima School a keda

na di dos luga, Colegio Sagrado Curason na di tres luga y Pius X School a keda na di cuater luga.

Minister di Enseñansa y Deporte Endy Croes ta felicita e scolnan cu a participa den e competencia di futbol y sigur na ekiponan ganado cu a duna tur di nan parti riba veld.





Bista Politico ta un seccion di *Bon Dia Aruba* specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di *Bon Dia Aruba* y ta pa responsabilidad exclusivo di e organisacion/individuo cu ta ofrece esaki pa publicacion. *Bon Dia Aruba* ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di *Bon Dia Aruba*.

# BISTA POLITICO

*Minister Xiomara Maduro tocante digitalisacion di archivo:*

**“Asina brindando nos comunidad accesibilidad digital na nos herencia cultural”**



**E siman cu a pasa nos a celebra 9 di juni Dia Internacional di Archivo y durante e Conferencia Anual di ACURIL cu e aña aki ta tumando luga na Jamaica. Minister Maduro a splica cu Aruba ta un isla dedica na adopta innovacion pa salbuardia nos historia y historia colectivo. Aruba ta trahando pa conserva nos herencia cultural pa medio di uso di tecnologia y nos pais ta un ehempel con ta traha cu coleccion di data.**

E aña aki e Consejo Internacional di Archivo (ICA) lo ta celebrando su di 75 aña di existencia y trabou dedica di promove e importancia di documentacion y archivonan, y mas aun na e noble profesion di conservacion di documentacion y e maneho y desimiancion di informacion. E aña aki den e mundo di archivo e tema lo ta dirigi particularmente riba e cambionan contemporaneo cu ta influencia e trabou di archivonan y cu ta percura pa cambio. Mescos cu otro institucionnan cultural rond di mundo, archivonan tambe ta cambiando nan manera di traha y presenta nan mes na e comunidad. Loke ta resalta den esaki ta e idea con nos sociedadnan rond mundo ta cambiando nan bista y asina tambe ta spera cu archivonan y otro

instancianan di herencia cultural ta haci e cambionan necesario.

Minister Maduro ta informa cu den e caso di Aruba sigur e caso no ta diferente y esaki a wordo influencia grandemente pa loke ta COVID. Esaki a pone varios instancia den e sector cultural realisa, cu bo mester ta un banda mas accesibel, cual sea e situacion. Como tal e tecnologia di informacion digital ta trece cu ne posibilidadnan sin frontera pa yega na incluso duna e servicio cu ta wordo spera. Y sigur esaki Archivo Nacional, hunto cu su otro coleganan partner na Aruba, manera Biblioteca Nacional y UNOCA desde 2022 a bin ta den un cooperacion intenso pa asina logra pone Aruba riba mapa como un pais di innovacion pa loke ta trata informacion digital. Y asina tambe cumpli cu loke nos comunidad ta spera di nos instancianan di herencia cultural pa ta mas accesibel digitalmente. Durante e conferencia anual di ACURIL na Jamaica e siman aki, Aruba como un pais innovador a haci presentacion di e proyecto digital yama “Coleccion Aruba”. Ta trata di un proyecto cu desde november aña pasa ta online caba, pero su lanzamiento oficial lo ta riba 28 di september, riba dia Internacional di Acceso na Informacion, decretador di Nacionnan Uni. Na Jamaica, Aruba a presenta e cooperacion aki cu a conduci na creacion di un plataforma digital y cu por sirbi pa modelo pa Caribe. Caribe tin su realidad Caribense, di ta paisnan chikito y cu medianan limita, pero cu loke Aruba a demostra ta cu por traha na un bon acceso di informacion pa medio di cooperacion y asistencia na un y otro. Un cooperacion cu a cuminsa cu 3 instancia riba e tereno cultural historico na november 2022 y cu ya pa fin di 2022 tabata conta cu 2 partner mas, esta Museo Arqueologico Nacional Aruba y Monumenten Fonds. Y awe na juni ta conta cu 11 partner cu tin coleccion mientras cu tin partnernan strategico, manera Funda-



cion Amigonan di Archivo, Representacion di Hulanda na Aruba, Fondo Mondriaan di Hulanda, Prins Bernhard Cultuurfonds Caribe, SETAR y Internet Archive (archive.org). Segun Minister Maduro Aruba a crea asina aki tambe su momento na dicho conferencia y unda hopi interes a keda demostra. Esaki a keda presenta riba e prome dia ACURIL riba dialuna 5 di juni pa e mandatario durante su presentacion como un di e keynote speakernan. Minister Maduro a splica henter e proyecto y kico ta su impacto no solamente pa nos propio habitantenan, sino tambe mundo henter. Despues di

cuadro general aki, director di Archivo Nacional Sr. Raymond Hernandez y especialista di informacion di Biblioteca Nacional, Sr. Peter Scholing, a pone un cuadro general di loke ta e situacion Caribense cu a pone tambe cu e instancianan aki a scoge pa un modelo di cooperacion cu a keda poni como Modelo Aruba. Sigui riba dia 6 di juni pa un presentacion di sr. Edric Croes di ANA y sr. Peter Scholing di BNA riba e aspectonan tecnico di e plataforma y e formula di cooperacion, mientras riba 7 di juni Sra. Shakira Croes di ANA y representante di fundacion Amigonan di Archivo a presenta e “Aruba way” con pa

yega na fondonan pa sostene trabou di Archivo Nacional y tambe awor e Coleccion.aw. Minister Maduro ta gradici y felicita tur esnan cu ta traha den e area di archivo y di informacion. Aruba ta sigui cu su compromiso pa preservacion y promocion di patrimonio cultural atraves di iniciativanan innovativo di digitalisacion. Por ultimo nos por mira riba un siman exitoso y cu ta duna muestra di na momento cu uni forza bo logronan por ta grandi. Y esaki a keda presenta na un foro internacional hustamente den e siman cu ta celebra Dia Internacional di Archivo segun e mandatario a informa.



Bista Politico ta un seccion di *Bon Dia Aruba* specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di *Bon Dia Aruba* y ta pa responsabilidad exclusivo di e organisacion/individuo cu ta ofrece esaki pa publicacion. *Bon Dia Aruba* ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di *Bon Dia Aruba*.

# BISTA POLITICO

*Minister Maduro di Finansa ta informa:*

## Aruba a haya un otro evaluacion positive di IMF su Article IV Mission

Aruba ta habri siman cu noticia positivo. IMF a publica e resultado di nan evaluacion financiero y economico di Aruba den e “Staff Concluding Statement of the 2023 Article IV Mission,” y esaki un biaha mas ta positivo pa Aruba. E ultimo dos simannan e team di IMF tabata na Aruba pa asina evalua e sistema financiero y economico di Aruba. E team a reuni cu varios persona y instancia na Aruba pa asina por haya un bista di e situacion na nos pais, y awo a publica e resultado di nan evaluacion. IMF ta raporta pa Aruba un “A strong bounce back from the pandemic”. Nos Pais a recupera fuertemente di e pandemia danki na e crecimiento economico induci pa un turismo fuerte y gastonan di gubernacion cu a keda reduci



a medida cu e pandemia a pasa. Aki ta sigui algun resultado importante di e evaluacion.

Crecemento fuerte door di turismo

IMF ta raporta cu na aña 2021 Aruba a conoce un crecimiento real di 27.6% di GDP y esaki a sigui den 2022 cu 7.3% di GDP. Esaki ta refleha

e recuperacion fuerte di turismo.

Inflacion tabata modera

E evaluacion ta muestra cu e indice di inflacion tabata modera y esaki a baha bay na 4.9% den April 2023 basa riba prijsnan di importacion di energia, comestibel y subida di prijs di coriente y awa na Augustus 2022.

Menos desempleo  
Desempleo na Aruba tambe a baha na 6.6% na Juni 2022 y ta premira pa sigui baha den e lunanan nos dilanti.

Deficit y debe a baha  
IMF ta raporta cu deficit fiscal y e debe di Aruba a baha. E deficit a ser reduci na -0.5% na aña 2022 compara cu -16.2% di GDP na aña 2020. Esaki ta refleho di entradanan mas halto debi na recuperacion economico y adaptacion di gastonan debi na e pandemia. E debe di Gobierno a wordo reduci di 112.3% di GDP na aña 2020 pa 90.7% di GDP na aña 2022.

Recuperacion credibilidad financiero

Atencion a wordo poni tambe pa e recuperacion di Aruba su credibilidad financiero cu a keda nota pa un upgrade di Aruba su ratings cerca Fitch.

Den e rapport di IMF por lesa mas di e resultado di e evaluacion positivo aki pa Aruba. E rapport tin varios recomendacion tambe cu Aruba mester sigui traha riba nan. Entre otro, e debe halto di nos pais cu mester wordo maneha, e gastonan cu mester wordo manteni na un nivel responsabel y e atencion cu mester wordo duna na e retonan cu un poblacion cu ta bira ‘mas grandi den edad’ ta trece cune.

Minister di Finansa Xiomara Maduro ta satisfecho cu e rapport di IMF, y ta gradici y reconoce e trabou grandi haci pa Aruba su profesionalnan. Masha danki pa boso esfuerso grandi na bienestar di Aruba. E mandatario ta gradici tambe e team di Article IV Mission lidera pa sr. Takuji Komatzusaki di IMF pa e trabou diligente haci pa Aruba.

*Minister Geoffrey Wever:*

## Proyecto di condominium “Solo 1” den caya grandi ta reforsa vision di revitalisacion di Oranjestad



Mi kier expresa mi gratitud sincero na e desaroyadonan di e proyecto “Solo 1”, Sr. Antonio Caralps y su esposa Taryn, pa e invitacion pa asina bishita y mira e plan remarcabel aki. E proyecto di condominium “Solo 1”, cu ta situa den Caya Betico Croes, otro banda di ex-Bon Bini Bazaar na Oranjestad, ta un ehempel di un componente esencial di nos vision conhunto pa



transforma e area di centro di ciudad den un centro di viviendo y gastronomia.

Mi kier duna reconocimiento na e aporte invalioso di e sector priva pa por logra haci e vision aki un realidad! Sin nan confiansa, sosten, y dedicacion, proyectonan manera e proyecto “Solo 1” no lo ta posibel. Nan inversion y dedicacion ta vital pa crecimiento sostenibel y pros-

peridad di nos comunidad, y esencial pa e revitalisacion di Oranjestad.

Mi ta optimista cu e “Proyecto Solo 1” no solamente lo contribui na e transformacion fisico di e area, sino tambe lo yuda stimula desaroyo adicional cu lo atrae individuonan y negoshinan, fomentando un sentido di oportunidadnan economico.

Un biaha mas, mi ta extende mi gratitud na e desaroya-



dornan pa nan esfuersonan, como tambe na e sector priva pa nan confiansa y empuhe den sostene e esfuersonan

aki. Hunto nos por crea un futuro prospero y dinamico pa Oranjestad y su habitantenan.



## 8 lesnan tocante arte contemporaneo y topiconan relaciona cu arte den Caribe

**Bo ta invita pa un serie interesante di lesnan tocante arte en relacion cu cultura di Caribe. Nos lector ta historiado di arte Therese Hadchity for di Barbados.**

Lo tin hopi topico interesante cu ta bay ser trata. Pa menciona algun:

- E diferente forma di arte y nan superpoder;
- Expresionnan popular di Caribe; E popular como factor unificante;
- E popular como antieuropeo; Pioneronan di anticolonialismo Caribeño; Transicionnan general den arte di Caribe; For di construccion di nacion pa critica di nacion, diaspora, multiculturalismo, cosmopolitismo; Politica cultural y e concepto di 'Institucion di Arte';
- Museonan, galerianan, espacionan alternativo, biennials; Representacionnan di historia di Caribe den arte visual, monumentonan publico den Caribe;
- Curatoria.

### Biografia cortico

Therese Hadchity ta biba na Barbados desde añanan 1990, caminda e a traha como galerista, curadora freelance, skirbido di arte y lector. E a crece na Dinamarca y a haya su prome diploma den historia di arte for di Universidad di Copenhagen.

El a haya su doctorado na UWI Cave Hill na 2016 cu un tesis cu ta enfoca riba dinamicanan generacionnan den arte visual di Caribe. Su interesnan di investigacion actual ta inclui modernismo Caribeño, estudionan di media, humanidadnan ambiental y pensamiento post-humano. E ta un lector temporal den Departamento di Estudio Cultural na Cave Hill.

## Cambio den prijs di productonan petrolero 14 di juni 2023



**Minister di Asuntonan Economico, Comunicacion y Desaroyo Sostenibel ta anuncia e prijsnan nobo di benta di combustibel entrante 14 juni 2023:**

Gasoline unleaded-premium: 255,9 cen p/ltr. (- 10,8 cen)  
Diesel LS: 209,1 cen p/ltr. (- 12,4 cen)  
Kerosin: 187,9 cen p/ltr. (- 11,7 cen)

E prijsnan ta inclui BBO/BAZV/BAVP

## CEA a bishita mas di 30 cas riba prome dia di cobra boet

**Ministerio Publico a cuminsa awe cu cobramiento activo di debe di boet. Dos team di CEA (Cuerpo Especial Aruba) a subi caya mainta tempran pa bishita hende na cas cu tin debe di boet y pa cobra e boetnan aki. CEA a bishita mas cu 30 adres caba, tanto pa-riba como pabao di brug. Un total di tres persona a keda deteni. Mayoria di hende a paga mes ora cu nan a haya CEA para na nan porta.**

E accion lo continua henter e siman aki. CEA lo sigui bishita personanan cu debe di boet. Tur hende cu no paga nan boet of no paga nan boet por completo, lo wordo deteni y transporta pa KIA pa sinta e dianan di detencion (vervangende hechtenis) pa cual Hues a condena nan ora el a duna nan boet.


Ministerio Publico ta haci atrobe un yamada urgente na personanan cu debe di boet:




















- Bo persona por paga online via cuenta bancario


4000905 di ArubaBank bao mencion di e parket-nummer

- Bo persona por swipe cerca cahera di OM. NO TIN MESTER DI HACI AFSPRAAK
- Si Bo persona ta di pariba, por paga boet na Warda di Polis San Nicolas di 8'or di mainta pa 12'or di mainta E SIMAN AKI SO. Dos trahado di OM ta sinta cla na Warda di San Nicolas pa atende bo persona
- Bo persona por paga cu CASH tambe E SIMAN AKI SO.

Specialmente pa e accion aki, Ministerio Publico ta habri nonstop e siman aki tur dia di 8or di mainta pa 3:30 di atardi. Cu excepcion di diabierna ora OM ta habri te 12or di merdia. Dus riba diars, diaranson y diahuebs bo persona por acudi na OM durante lunch tambe. NO TIN MESTER DI HACI AFSPRAAK, bo persona por gewoon cana drenta.

Resultado Sorteo 13 juni 2023			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
1943	7621	9087	7442
4582	1558	SUPER5	0414
1127	8603	28094	7738

MERDIA	ANOCHI		
			
Sorteo # 3940	Sorteo # 7964	Sorteo #	Joker Letter
4265	4431	0 x Jackpot	Proximo Jackpot
1033	2793	0 x Match 4+	190.000,-
1228	0273	0 x Match 4	
		0 x Afl. 12,00	
X5	X2		06-07-10-12-26
		Sorteo # 6146	Proximo Jackpot
Sorteo # 3940	Sorteo # 7008	0 x Jackpot	53.000,-
7802	3604	5 x Match 4	
		162 x Afl. 8,00	
Sorteo # 1996	Sorteo # 1713		01-06-16-30
7591	2819	Sorteo # 1567	Mega Ball 12
		0 x match 4	Proximo Jackpot
Sorteo # 3940	Sorteo # 5767	5 x Afl. 500,00	300.000,-
3612	0699	25 x Afl. 50,00	
Libra	Leo	58 x Afl. 15,00	
			Afl. 400.000,-
Sorteo # 814	Sorteo # 697		
985	956	Sorteo #	
			
X3	X5		


--

### King Classic Sudoku

3	5		9			1		
	8	9	6	3			4	5
1		4	8				3	
		3			9	8		
4						5		6
6	1							
		7	1	2				
							5	4
								2

Difficulty: ★★

6/14



# Clasificado

**ECONOMICO** aviso@bondia.com

**Personal GRATIS max. 20 palabra**  
 PASA LAGA BO AVISO NA OFICINA DI BON DIA  
 ARUBA WESTSTRAAT#22 FOR DI 9:00AM-4:00PM  
 Email nos na  
 classified@csprv.com

**SERVICIO PUBLICO**  
**Limpieza pa cas y auto**  
 Pressure wash cura di cas  
 Laba muebles  
 Laba tapijt  
 Laba sienta di auto  
 Laba vloer  
**Tel. 593 9464**

**AUTO Y HERO BIEU**  
 Nos ta piki auto, aircor y bateria  
 bieu pornada. Frigidaire, stoof,  
 wasmachin, tv ta 10,=  
**Yama 561 4597 / 561 5179**  
 Arubiano Balente

**SERVICIO PUBLICO**  
 Handyman  
 Pa trabou di verfmento  
 plumbing tuberia, chapi,  
 limpieza di cura, drecha mata  
**Tel : 567 1108**

**TA BENDE**  
 Chopper FI.25.00  
 3 Channel Intercom nobo FI.25  
 Telephone (no Setar) FI.25  
 Screenprotecfm Snsung  
 Gal Tap 2  
 Antglare (3pck) FI.5.00  
**Tel. 582 3023 /593 8120**

**TA BENDE**  
 Combo di regalo pa  
 tur ocasion:  
 Mugs, kerki di biña, tablashi cu  
 leyenda  
 Pa mas informacion  
**Cell whatsapp 567 2907**

**SERVICIO PUBLICO**  
 Mi ta ofrece servicio pa haci  
 reparacion di porta, ventana y  
 hopi mas. Arubiano Balente  
 Pa mas informacion por yama  
**Tel. 563 6762**

**SERVICIO PUBLICO**  
 Construction  
 remodelacion di cas, traha cas,  
 apartment, traha y drecha dak,  
 electricidad, verf pega mosaico,  
 traha cura, plomeria. Bon prijs  
**Tel. 593 3141**

**TA HUUR**  
 Se alquila habitacion con todo  
 incluido  
 Brikstraat na Playa  
**Tel.564 1979**

**FOR RENT**  
 Bunita cas na Gold Coast  
 3 camber 2 1/2 baño, sala,  
 comedor, cocina y patio. Pa  
 mas informashon por  
 whatsapp  
**+58 414 614 7440**

**SERVICIO PUBLICO**  
 Buscando auto pa huur y na bon  
 prijs? yama nos  
**Tel. 593 9953/ 593 8453**

**SERVICIO PUBLICO**  
 Sra. ta haci cas y negoshi limpi  
 tambe por cuida baby y hende  
 grandi part time y full time  
**Tel. 740 7573**

**SERVICIO PUBLICO**  
 Pa trabou di data-entry of  
 update di bo administracion pls  
 contact:  
**Tel.5682339**

**SERVICIO PUBLICO**  
 Ta haci tur trabou di  
 construccion y carpinteria y tur  
 cos cu ta furamento di stul di  
 bambu, cabana y toldos  
**Tel : 746 0518 / 569 7539**

**SERVICIO PUBLICO**  
 Mi ta ofrece servicio di  
 electricista en general corto  
 circuito y mantencion  
**Tel.566 5026**

**TA BUSCA**  
 Sra. entre 35 y 45 año  
 pa trabou di cas interna  
 Pa mas info  
**Tel. 582 3023 / 593 8120**

**SERVICIO**  
 Unified One Events  
 Photos , films, wedding  
**Tel. 749 2533**

**TA HUUR**  
 Un camber cu tur cos inclui na  
 Brikstraat 1  
**Tel.564 1979**

**Sushi den cura?**  
 Ta piki sushi cu pick-up  
 grandi pa Afl 75,= pa buelta.  
 Yama nos na  
**561 4297 of 561 5179**  
 Hasi Aruba Limpi.

**SERVICIO PUBLICO**  
 Masaje relajante, sports ma-  
 sages, aroma terapia, piedras  
 calientes, reflexologia, faciales  
 Sabana Basora # 157 P.Ch.  
**Tel. 561 8520**

**SERVICIO PUBLICO**  
 Nos ta haci trabou di  
 plomeria, electricidad,  
 hardineria incluye hiba sushi  
 Handy man.  
**Tel.742 6250**

**SERVICIO PUBLICO**  
 Nos ta chapi, corta y planta  
 mata, brinda tur servicio cu bo  
 cura mester. Tira sushi afo, tur  
 esaki na un super bon prijs  
**Tel. 738 1908**

**SERVICIO PUBLICO**  
 Sushi den cura pa solamente  
 50,- pa buelta, nos ta lante lague  
 limpi mane un soño.  
 Arubiano trahado  
**Call 592 5766**

**SERVICIO PUBLICO**  
 Ta traha y renoba Cas  
 ta traha y drecha dak, ta basha  
 vloer, pleister, verf cas, traha  
 cura, pega mosaico y azulejo-  
**Tel.563 4168**

**SERVICIO PUBLICO**  
 Pa tur trabou di tapiceria di  
 mueble, auto, yate y barco.  
 Nos ta haci trabou di cabana y  
 bambu y nos ta verf  
**Tel : 569 7539 /737 3993**

**SERVICIO PUBLICO**  
 Mi ta chapi, lanta sushi, corta  
 mata, transporta frigidaire, was-  
 machine biew, drecha cas, etc.  
**Tel. 564 1979**


**SERVICIO PUBLICO**  
 Pa haci trabou di verf y chapi,  
 tur mantencion di pafor di cas  
 Yama y puntra pa Benito na  
**Tel.630 5185**

**TA BUSCA**  
 trabou pa haci cas limpi,  
 negoshi of oficina  
**Tel.561 3910**

**SERVICIO PUBLICO**  
 Mi ta ofrece pa cuida di mucha  
 di dialuna pa diabierna y  
 weekend. Pa informacion  
**Tel. 558 7310**

**SERVIO PUBLICO**  
 Ta ofrece pa verf y chapi cura  
 bon prijs. Nos ta hiba e sushi.  
 Yama pa mas informacion na  
**563 4828 / 5679610**

**SERVICIO PUBLICO**  
 Hacemos todo tipo de construc-  
 cion, reparacion de casas, pin-  
 tura, acabados finos, jardines,  
 patios, techos a buenos precios  
**Tel. 569 7539 / 746 0518**



**Cas Di Cultura**  
 Vondellaan 2 Aruba  
 297-582-1010  
**F A D A**  
 Campanastraat 5 Aruba  
 297-583-2999  
 297-583-9610  
**F A V I**  
 Primavera 233 Aruba  
 297-582-5051  
 297-582-5222

**F E P O**  
 Engelandstraat 15 Aruba  
 297-583-1016  
 297-583-6607

**Fundacion Contra**  
**Violencia Relacional**  
 Tel: 583-5400

**Fundacion Autismo**  
**Aruba**  
 Irenestraat 21 Aruba  
 297-588-1179

**Fundacion Pa Nos**  
**Muchanan**  
 Cumana 2 Aruba  
 297-583-4247

**Fundacion Tel Pa**  
**Hubentud**  
 Wilhelminastraat 19  
 Aruba  
 297-588-6138  
**Koningin Wilhelmina**  
**Fonds**  
 Spinozastraat 9 Aruba  
 297-582-0412


**Mary Joan Foundation**  
 Sabana Blanco 8 Aruba  
 297-588-9999  
**Rode Kruis Aruba**  
 Pedro Gallegostraat 14  
 Tel.297-582-2219  
 Fax 588-3376

**Famia Planea (SBVO)**  
 Avenida Milio J Croes 17  
 B Aruba  
 297-588-9591  
 www.famiaplanea.org  
 famiaplanea@hotmail.  
 com

**Stichting Fundacion**  
**Guia Mi**  
 George Madurostraat 34  
 297-582-0088

**Y M C A**  
 Calbasstraat 1 Aruba  
 297-582-3072

**AL-ANON group**  
 Sabana Liber #8, Noord  
 (close to the hotels)  
 Tel: 736-2952 or  
 593-7081

 **Dokter na warda**  
**Oranjestad** **San Nicolas**  
**Hospital** **Imsan**  
 7:00 pm / 10:00 pm **24 ora**

**Botica na warda**  
**Oranjestad:** **San Nicolas:**  
 Sta. Cruz San Nicolas  
 Tel. 585 8028 Tel. 584 5712

**EMERGENCIA** **911**

**POLIS**  
**Oranjestad** **100**  
**San Nicolas** **104**  
**Santa Cruz** **105**  
**Noord** **107**  
**Tip Line**  
**11141**  
**Brandweer** **115**  
**Ambulance** **911**  
**Hospital** **527-**  
**4000**  
**Imsan** **524-8833**  
**Warda Costa** **913**  
**Seguridad Nacional** **11911**  
**Cruz Cora** **582-2219**

**BOTICA**  
**Aloe** **584-4606**  
**4 Centro Medico** **584-5794**  
**Central** **585-1965**  
**Dakota** **588-7364**  
**Del Pueblo** **582-1253**  
**Eagle** **587-9011**  
**Kibrahacha** **583-4908**  
**Maria** **585-8145**  
**Di Servicio Noord** **586-4606**  
**Oduber** **582-1780**  
**Paradera** **588-6638**  
**San Lucas** **584-5119**  
**San Nicolas** **584-5712**  
**Santa Anna** **586-8181**  
**Santa Cruz** **585-8028**  
**Sero Preto** **584-4833**  
**Trupial** **583-8560**

**UTILIDAD**  
**Setar** **117**  
**Web** **525-4600**  
**Elmar** **523-7147**

**FUNERARIA**  
**Aurora** **588-6699**  
**Royal Funeral H.** **586-4444**

## Servicio di Taxi

**Aruba Transfer Tour &**  
**Taxi C.A.**  
 Tel: 582 2116 /582 2010

**Taxi Adres Services (24h)**  
 Tel. 587 5900

**A1 Taxi Services Aruba**  
 Tel: 587-8850  
 Tel: 280-2828  
 Whatsapp: 592-7024



# Aurora


## Royal Pray

### Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

“Señor ta mi wardador, mi’n tin falta di nada.  
Den cunucu di yerba berde e ta ponemi sosega.  
E ta hibami na awa trankil,  
pa mi bolbe haña forsa”.  
Salmo: 23

Cu inmenso tristeza nos ta anuncia fayecimento di:



**Jaime E. Dirksen**  
\*20-07-1957- † 12-06-2023

Acto di entierio lo wordo anuncia despues

# Aurora

## Royal Pray

### Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa”.  
Salmo: 23

Nos ta anuncia fayecimento di:



**Rafael Simon  
Ridderstaat**  
Mihor conoci como: “Fai”  
\*03-03-1946 - †11-06-2023

Tata: †Felipe Ridderstaat  
Mama: †Crispiniana Rhoides

Na number di su:  
Yiunan: Roberto Carlos Ridderstaat  
Carmen Jacqueline Ridderstaat

Nieto(a)nan: Eugene Trimon y Lilien Pon-  
son  
Jeremy Trimon y Daniela Kock  
Lyon Trimon y Liz Castellano  
Junaila Trimon y Anthony Tjin Kon Fat

Bisanieta(a)nan: Ian Trimon, Lainey-Ann Tri-  
mon, Jayron Trimon

Rumannan: †Petra Leest  
†Olga Maduro y †Arevalo Maduro  
Norman (Buchi) Ridderstaat  
Lucia Ridderstaat y Demetrio Christiaans  
†Felis (Ichi) Ridderstaat  
Rosa y Sonny Martina  
Palmira Ridderstaat  
†Aura Martinus y †Willemfridus Martinus  
Mama di su yiunan: Carmen Mercedes Irausquin

Ex-casa: Julia Perez y yiunan  
Su swa y cuñanan na Aruba y Corsow, sobrino(a)  
nan, primo(a)nan, comer y compernan, Amistad  
y conocirnan y bisifanan na Bubali.

Demas famia: Ridderstaat, Rhoides, Trimon,  
Irausquin, Leest, Maduro, Martinus, Martina,  
Farro, Frias, Pardo, Figaroa, Stuart, Sylvania, Ras,  
Jacobs, Geerman, Gomez, Leonard, Winklaar,  
Kelly, Loopstok, Matos, Tromp, Christiaans, Al-  
bertsz, Boezem, Quandus, Thiel, Giel, Bermu-  
dez, Wever, Kwidama, Lacle, Sapuano, Rasmijn,  
Gavidia, Kock, Perez

Nos disculpa si nos a lubida algn famia den nos  
tristeza

Acto di entieri lo tuma lugar diabierna 16 di  
juni 2023 di 9:00 pa 11:00 am na Aurora Funer-  
al Home, despues ta sali pa Santana catolico na  
Noord.

Nos ta lamenta cu despues di entierio no ta ricibi  
bishita na cas.

# Aurora

## Royal Pray

### Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

De heer is mijn Herder  
De mens wigt maar God beslist  
Zie ik sta aan de deur en ik klop.

Hierbij maken wij bekend van het overlijden van  
onze moeder, grootmoeder, overgrootmoeder:



**Mevr. Petronella Theodora  
Alspeer-Bosnie**

Weduwe van †Eduard Bosnie  
“Tante Nella, Oma Bosnie”  
Geboren: 08-04-1927 te Cottica, Suriname  
Overleden: 09-06-2023 te Dakota, Aruba

Nabestaanden:  
Kinderen:  
†Frits Bosnie  
†Glenn Bosnie  
Ingrid Bosnie  
Lydia en Jeff Rey-Bosnie  
Gerda Bosnie  
Humphrey Bosnie  
Lilian Bosnie  
Christiaan en Willemijn Bosnie-Vanhagen  
Kleinkinderen + aangetrouwde fam.:  
Jacky, Kenneth, Anouk en Steve  
Aisha, Edward en Amaranta  
Gregory en Jay, Rocco, Jeremiha  
Gideon, Ezra, Najee, Rudie  
Azriah  
Achter kleinkinderen:  
Jahwin, Amel-che, Georgia-Grace, Levi, Alaia,  
Amaya, Xander, Erzon, Jesrah, Jesrianne

Helen Mohammed en familie  
Laura Arnell-Bosnie en kinderen  
Overige familie: teveel om te noemen  
Alspeer, Bosnie, Nooitmeer, Sno, van  
Leeuwaarden, Rijkaard, Pont, Hazelhoef,  
Elshot, Ringeling, Piesing, Pengel, Arnell, Rey,  
Verhagen, Remfrum, Dorder, Mohammed,  
Suarez.  
Buren en Kennissen: Goedhoop, Bouwer,  
Enser, M. Laaf, Tevreden, Herts, Hoogvliet, E.  
Angela, Sleur, Lobrecht, Mohammed, T. Brown,  
Garcia, van Coblijn, Beeldsnijder, Lande, Brete,  
Rincones, Dania, Sneek, Hernandis, S. Brown,  
Angie W., Yee, Netto, Salomon, Kock, Lampe,  
Malmberg, Commencencia, Balinge.  
Haar verzorgsters: Raquel, de zusters +  
broeders van W.G.K. en Beatrice (haar prive  
verzorgster)  
Zuster en broeders van de Evangelische Broeder  
Gemeente.  
Sorry indien wij vergeten zijn in ons verdriet  
voor het noemen van enkele namen.  
Ma haar wens is om geen bloemen te sturen  
maar een donatie te geven aan haar kerk  
Evangelische Broeder Gemeente Aruba.  
Gelegenheid tot condoleren vindt plaats te  
Aurora Funeral Home vrijdag 16 juni 2023  
van 2pm – 4pm. Ma wordt in familie kring  
gecremeerd.  
Gelieve na de crematie geen rouwbeklag aan  
huis.  
Ziele Rust en Veiligheid

*Mi no a muri.  
Ta pesei mi no a bisa ayo.  
Mi a djies habrie mi halanan,  
y bula bai keiro. Boso a keda atras.  
No laga tristesa domina boso.  
Keda uni un cu otro pa mi alma,  
Esey lo ta un alegria.  
Recorda mi cu hopi amor.*



Cu inmenso dolor na nos curason pero conforme cu  
boluntad di Dios nos ta anuncia fayecimento di:



**Angelina Filomena Janga-Lopez**  
Mihor conoci como: Ina y Tante Ina  
\* 27 September 1946 - † 11 Juni 2023

Acto di entierio lo wordo anuncia despues.  
Nos ta lamenta cu nos no lo por ricibi bishita di  
condolencia na cas.

Staff y personal di Ad Patres Funeral Home &  
Crematorium ta extende nos mas sentido pesame na  
famianan di e fayecida.



# Aurora

## Royal Pray

Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa”.  
Salmo: 23

Nos ta anuncia fayecimento di:



**Juanita Filomena  
Werleman-Flanegin**  
\*16-05-1955 - †12-06-2023

Acto di entierro lo wordo anuncia despues.

# Aurora

## Royal Pray

Funeral Home & Crematory

Cumana # 76 & # 44/ van Speyckstraat # 1  
Oranjestad, Aruba  
Telephone: (297) 588-6699  
E-mail: info@aurorafuneralaruba.com

“Señor ta mi wardador, mi’n tin falta di nada.  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa”.  
Salmo: 23

Ta participa fayecimento di:



**Marie D. Cezaire-Joicin**  
\*26-05-1957 - † 06-06-2023

Acto di entierro lo wordo anuncia despues

## Programa asombroso ‘Impact Camp’ pa yuda hobennan cuminsa aña escolar cu confiansa

**Heart-Centered Leadership Foundation (HCLF) ta anuncia regreso di un programa impresionante. Impact Camp ta un programa di 4 dia pa hobennan di 14 - 17 aña. HCLF ta reconoce e importancia di duna hobennan e chens pa nan por alcansa nan potencial den bida.**

Esaki ta e bunita oportunidad cu hobennan ta haya ora nan participa den Impact Camp. Impact Camp ta promove formacion positivo den area personal, social y academico, cual ta duna espacio pa hobennan por desaroya habilidadnan cu lo por duna nan e forsa y perseverancia pa enfrenta retonan, mancha emocion, progresa y logra nan meta den bida.

E 4 dianan di Impact Camp ta inclui e programa ACE (Achievement and Commitment to Excellence) Program di e organizacion Americano Educare Foundation y un dia di programa di HCLF mes. Desde 2012, HCLF a ofrece ACE Program na 5 school secundario y dos biaha na un grupo total di 170 hoben di tur skina di Aruba. Durante e 4 dianan di Impact Camp hobennan lo por fortalece: confiansa propio, responsabilidad personal pa tuma decisionnan consciente y constructivo, mancha rabia, rechazo, miedo y ‘peer pressure’, y comunica emocion na manera positivo entre famia y amistadnan.

Den experiencia di HCLF ofreciendo ACE Program aki na Aruba, resultadonan den e delaster añanan a indica con sobresaliente e programa aki ta. Hobennan ta raporta cu despues di a participa den e programanan a forma un imagen propio mas positivo, nan ta mas dispuesto pa coopera cu otro, a haya un aprecio pa relacion cu amistadnan mas grandi, y a desaroya habito productivo cu a mehora nan cifra na scol. Ademá di esaki, hobennan a indica cu nan a siña



conoce nan mes mihor, curashi pa tuma riesgo, ta mas habri, y confia mas.

Despues cu hobennan a participa den e ultimo ACE Program cu HCLF a ofrece na 2019, mayornan a raporta cambianan visibel cu nan por a mira den nan yui manera sali for di nan zona di confortabilidad, acepta y practica expresion propio, aumento den motivacion, stima y acepta nan mes, comunica nan sentimiento y necesidadnan positivamente.

Na Merca, e ACE Program ta hopi conoci, en particular den e area di Los Angeles, unda Educare Foundation ta organisa e programa aki regularmente na school secundario. Como organizacion, nan ta reporta cu despues di participa den ACE

Program porcentahe di hobennan cu ta bay school regularmente (sin keda cas constantemente) a hisa pa 96% y por a remarca cu cifranan di e alumnonan a hisa particularmente den materianan manera mathemática y idioma. Investigacion di Educare a indica un diferencia grandi den e progreso academico for di alumno cu si a participa y esnan cu no a participa den ACE Program. Alumnonan cu a participa por a mantene mihor concentracion y motivacion durante aña escolar cual a yuda nan pa alcansa nan logro academico.

Impact Camp lo tuma luga na Teresita Center, San Nicolas, dia 8, 9, 10 y 12 di augustus. Pa mayornan cu ta buscando un programa pa nan yui por fortalece habilidad pa enfrenta reto y obstaculo den un manera positivo y cuminsa aña escolar cu motivacion y proposito, considera Impact Camp. Pa mas informacion tocante Impact Camp y registracion, tuma contacto cu HCLF via [hclfaruba@gmail.com](mailto:hclfaruba@gmail.com) of por manda un WhatsApp na 584-1211. Registracion ta cera 15 di juli 2023.

Impact Camp ta posibel danki na financiamiento parcial di UNESCO Aruba National Commission.







(AP) — Desde cu a asumi e rol di secretario di prensa di Cas Blanco, Karine Jean-Pierre a bira conoci pa frecuentemente evadi pregunta citando e Hatch Act. E ley ta prohibi ambtenaanan di usa politica durante nan trabao, y Jean-Pierre ta us'e pa evadi pregunta di reportero-

nan involucrando campananan.

Pero aparentemente e no tabata suficiente cauteloso. Oficina di Consejo Special, e agencia di gobierno a cargo di cumplimiento di Hatch Act, a bisa den un carta recien cu Jean-Pierre a viola e ley prome cu eleccion di

## Secretario di prensa di Cas Blanco a viola regla contra politica durante su trabao

midterm aña pasa. Su ofensa: Haci referencia frecuente na “Republicanonan MAGA” durante sesionnan informativo di Cas Blanco.

Segun e carta di e Oficina di Consejo Special, Jean-Pierre “a haci e referencianan aki pa genera oposicion pa candidatonan Republicano” y “consecuentemente, haci e referencianan ta constitui actividad politico.” The Washington Post a publica e carta online. Esaki a keda reporta prome pa NBC News.

Castigo pa violacion di Hatch

Act ta poco comun, y e oficina no a recomenda ningun multa ni otro castigo pa Jean-Pierre.

Jean-Pierre a enfrenta scrutiny despues cu un organizacion yama Protect the Public's Trust a entrega un keho. E organizacion a bisa cu Jean-Pierre tabata “despectivo di oponentenan politico di presidente Biden como “oficialnan Republicano mega MAGA cu no ta kere den ley.”

Jean-Pierre a bisa cu oficina di consejo di Cas Blanco tabata revisando e carta, agregando cu “nos ta haci tur loke

nos por” pa cumpli cu e ley y ta tum’e “hopi na serio.”

“E tempo aya, mi a ricibi e señal pa usa e terminologia en cuestion,” el a bisa. Jean-Pierre a bisa cu a usa e termino “den contexto di papia tocante nan politica, di papia tocante nan balornan.” El a nota cu algun reportero tin biaha ta expresa “consternacion amistoso” tocante con hopi biaha e ta cita e Hatch Act, y a sugeri cu e tabata confundi pa e violacion. El a bisa cu Cas Blanco di Trump a usa e frase “MAGA” como 2mil biaha pa describi e politicanan di su administracion.

## Senado apenas ta confirma Bernstein como consehero economico di Biden

(AP) — Senado Mericano ayera cu un margen estrecho a confirma Jared Bernstein como presidente di e Consejo di Consehero Economico di Cas Blanco.

Un ayudante pa hopi tempo di presidente Joe Biden y un economista enfoca riba trahadornan, Bernstein a keda confirma pa un voto di 50-49.

Legisladornan Republicano tabata critico di su declaracionnan na inicio di e administracion cu e nivel halto di inflacion resultado for di e pandemia tabata temporal. Aumento di gasto pa famia y negoshinan ta un reto pa Biden, maske Departamento di Labor a bisa ayera cu e ve-

locidad di inflacion a cay na mei na 4%, e cifra mas abao den 12 luna pa prijs di consumidor den mas di 12 aña.

Administracion di Biden a duna alivio pa pandemia na balor di \$1.9 triyon na 2021, cual algun economista y lidernan Republicano ta bisa cu a duna impulso na inflacion. Bernstein, e tempo aya un miembro di Consejo di Consehero Economico, a defende e presidente pa aumento di cupo di trabao cu a sucede pa motibo di gasto di gobierno y a bisa cu e prijsnan halto lo ta “transitorio.” Pero pa juli 2022, el a hala atras di e frase “transitorio” pasobra esaki a “conduci na un nivel di ambigüedad cu no tabata

sirbi e debate hopi bon.”

Pero door di keda eleva na presidente, Bernstein, 67, ta sucesor di Cecilia Rouse, kende a bolbe na Universidad di Princeton anteriormente e aña aki. Bernstein pa largo tabata cercano na Biden y a traha como ayudante vicepresidencial durante presidencia di Barack Obama. Bernstein a ricibi su diploma di doctorado den bienestar social for di Columbia University.

Crea na 1946, e Consejo di Consehero Economico ta duna guia na e presidente riba tendencia economico y politica di gobierno.



## Starbucks ta rechasa acusacionnan cu ta prohibiendo despleguenan di Pride

(AP) – Starbucks ta rechazando acusacionnan di organisadornan di sindicato cu ta bisa cu e compania ta prohibiendo despleguenan di Pride na su tiendanan na Merca despues cu Target y otro marcanan a experimenta critica.

Pero Starbucks Workers United, e sindicato organisando tiendanan di Starbucks na Merca, ta bisa cu managernan di tiendanan na e pais ta limitando of retirando despleguenan durante un celebracion di un luna di hende LGBTQ+. Den algun caso, e sindicato a bisa, managernan a bisa trahadornan

cu despleguenan di Pride ta un preocupacion pa cu seguridad, citando incidentenan recien na Target unda algun cliente rabia a confronta trahadornan.

“No tin ningun cambio na ningun politica riba e asunto aki y nos ta continua cu-

rashando lidernan di nos tiendanan pa celebra cu nan comunidanan, incluyendo pa Pride Month na juni,” e gigante di koffie di Seattle a bisa ayera den un declaracion.

Starbucks a expresa su sosten pa empleadonan LGBTQ+

pa decadas, y a bisa ayera cu e sosten ta “firme.” Tambe e compania actualmente ta bende tumblernan cu tema Pride na nan tiendanan, diseña pa artista di Toronto, Tim Singleton, kende ta gay.

Pero Ian Miller, un organisador sindical y supervisor di Starbucks na Olney, Maryland, a bisa cu tono di e compania a cambia e aña aki, citando su propio manager informando cu mester aprobacion di antemano pa pone decoracionnan di Pride y cu e compania ta buscando mas “uniformidad” na su tiendanan.

E manager supuestamente tambe a cita e critica contra

Bud Light na momento cu a partner cu un influencer transgenero y despues a purba di hala atras. Su benta na Merca subsecuentemente a cay.

Miller a bisa cu e manager na final a laga un empleado pone banderanan chikito di regenboog na e tienda, pero no a usa e credit card di e compania pa cumpra esakinan, manera tabata permiti den pasado.

Manager di Miller a nenga di duna comentario ayera na Associated Press. Starbucks no a responde na preguntanan tocante politica na tienda unda Miller ta traha.

